



सानसेयारि 'बड'सा' खीरालाइयाव  
अमाज्यादि जिउजो लोब्बा थावय रायथाय, खन्थाय,  
अल', अल'बाथा आरो हवबायारि थाचनि, पार्क  
बाइदिनि सायाव लिउनाय लिउदिबाँ दैथाय ठर/  
सानसेयारि 'बड'सा' खीरालाइया अवेरानावै  
फोसावगोन।  
बड'सायाव लिउठरनायनि हुबा खालाम,  
'बड'सा' खी नौथा, जो बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव देमालु लामा  
कक्राइर, बिटिसि-783370  
Website: www.bodosanewspaper.com

BODOSA ★ A Bodo News Daily ★ Saturday ★ 16 December, 2023 Kokrajhar, BTC, Assam ★ Vol.- 33, Issue No. 260 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

### अरुणाचल प्रदेश आव कमला फोर्बो खुंदों

तेजपुर, 15 डिसेम्बर: अरुणाचल प्रदेशनि डामबुक आव कमला फोर्बो एबा अरेन्ज फेस्टिभल आ दिने निफ्राय जागायबाय। अरुणाचलनि लवार दिबाँ भेलि जिल्लानि डामबुक ओन्सोलाव (□ 5 बिलाइआव)

### गमुरा बिद्या निकेतन गोजौ फरायसालियाव गुबुन गुबुन हारिनि फोर्बो फालिदों

भवानिपुर, 15 डिसेम्बर: गाहाइ मन्थि नरेन्द्र मदिनि दैदेन्नायाव जौगाखाँ भारतबर्षनि थाखाय आजावनाय मोनफ्रोमबो बिथांखिफोरानो मख'जाथावना। गाहाइ मन्थि नरेन्द्र मदिनि दैदेन्नायाव (□ 5 बिलाइआव)

### एसएसबि, पुलिस आरो हाग्रा बिफाननि जुथायै अपारेसन खालामानाँ दफाँ हाखावग्रा मेसिन बोखांदों

तामुलपुर, 15 डिसेम्बर: दिने तामुलपुर जिल्लायाव हाग्रा बिफान, पुलिस आरो एसएसबि हान्जाया जुथायै अपारेसन खालामानाँ मोननै (□ 5 बिलाइआव)

## बिटिसि गौथुमनि 3 थि बोसोरारि फोर्बोयाव बड'फा उपेन्द्रनाथ ब्रह्मखौ प्रमद बर'आ गोसोखांथि मान बाउदों

### गोजाननि दावबायारिफोरनि थाखाय गंभ्रै एसि गोनां बड'लेन्ड बास बेखेवदों

#### निखावरिफोरनो गावनि आथिडव गसंथा होनो दावबायारि टि-स्टल गारि गथायदों

कक्राइर, 15 डिसेम्बर: बड'फा उपेन्द्रनाथ ब्रह्मआ बर' हारिखौ रांखान्थियारि, राजखान्थियारि आरो समाजयारि मिथिडै रैखाथि होनाँ मुलुग दरबाराव गायसनलानो सिमां सुजुदोंमोन। दिने बिथानि सिमाडा मोगथाडाव महर मोनबाय। मोनफा-मोनफायै खेबथाम गोजोन रादायाव मुंसाइलायनाय जाबाय। जोबथा खेब बिटिआर गोजोन रादाया बड'लेन्डयाव गोबाँ सोलायथाय लाबोनायल' नडा, गोजोन थासारि सोजिनयजों लोगोसे



गुबुन गुबुन हारिफोरनि गेजेयव खौसेंथि आरो बिदा-फंबाय सान्नाय सौफेदों। बेनि थाखायनो बड'फाखौ नागानाँ



इउपिपिएल, बिजेपि आरो जिएसपिनि जुथाय दोलोन

बिटिसि गौथुमारि सरकारनि 3 (□ 5 बिलाइआव)

## एमसिएलए बिजितगोरा नार्जारिआ सा 52 गोरिब आइजोफोरनो दख'ना रान्नाँ होदों

तामुलपुर, 15 डिसेम्बर: तामुलपुरनि पाटकिजुलियाव एमसिएलए बिजितगोरा नार्जारिआ सा 52 आइजोफोरनो दख'ना रान्नाँ होदों। गावनि बियाबनि सिडव थानाय सा 52 दुबुथिया आइजोफोरनो दख'ना रान्नाँ होनायजों गावनि सुबुं (□ 5 बिलाइआव)



## बिटिआरआव अरायथा गोजोन थासारि सोमजिबाय: प्रमद बर'

### कचुगावयाव सा 1,235 मावफारिया-सोद्रोमाफोरा इउपिपिएल दोलोयाव हाबफैदों

गसाइगाव, 15 डिसेम्बर: 'बिटिसिआव मोनसे समाव बुथारनाय, हिंसा, गेनाखान्थि, गात्रि खुंथायनि थासारि खुंथाय सोलिदोंमोन। बिपिएफ दोलोआ 17 बोसोर नाडै खुंथाय सामलायनायनि खाबु मोन्दोंमोनब्लाबो बिटिसिनि जौगाखाँनाय आरो गोग्गो सुबुंखान्थि लाबोनायनि बिथिडाव थारलायै फेले जादोंमोन।' - बे बिबुंथिखौ बिटिआरनि गाहाइ प्रमद बर'आ (□ 5 बिलाइआव)



## सुनबारि प्रागति जातिय बिद्यालय बिफानआ खौरंगिरि मेल खुंदों

### बिष जानाय सा 3 फरायसुलिफोरखौ मेलेमारि उतखार खालामनायनि अजदखौ नेवसिदों

भवानिपुर, 15 डिसेम्बर: बाक्सा जिल्लानि सालबारि महकुमानि सिडव थानाय सुनबारि प्रागति जातिय बिद्यालयनि थाखो 7 आव फरायनाय सा 3 फरायसुलिफोर जयै बिष जानायनि जाहोनाव मिना रबि दास मुनि सासे फरायसुलिया जिउ गोमानायनि अनगायै गुबुन सानै फरायसुलिफोरा गुवाहाटीनि गावआरि फाहामसालिफोराव गोब्राब थासारियाव फाहामथाय लाबाय थानायखौ लानानै दिनेबो फिनजाथाया सोलिगासिनो दडा मख'नो



गोनाँदि, सुनबारि प्रागति जातिय बिद्यालयनि थाखो 7 आव फरायनाय फरायसुलिफोरा फरायसालिनि बर्डयाव अजद गोनां बाथ्रा लिरनायनि अजदयाव फोरंगिरिफोर साथाम

खौरंगिरि मेलयाव साथामबो फरायसुलिफोरखौ फोरंगिरिफोरा जायखि-जाया रोखोमनि गोसो-मेलेमारि उतखार (□ 5 बिलाइआव)

### फैगौ 18 डिसेम्बराव हरिसिडानि रानिफुखिनि सुबुं गौमायाव बिटिआरनि गाहाइ मावफुं सोद्रोमाया बाहागो लाफैगोन

कलाइगाव, 15 डिसेम्बर: हादतनि लकसभा बिसायख'थिखौ नोजोर होनाँ बिटिआरनि ओन्सोलारि राजखान्थि दोलोफोरखौ मेल आफाद खुंनानै साखा-फारा जानायखौ नुनो मोन्नाय जादों। बे आयदायावो फैगौ 18 से प्तेम्बराव बिटिआरनि उदालगुरि जिल्लानि सिडव थानाय हरिसिडा गौथुमारि (□ 5 बिलाइआव)

## सरकारि बिथांखिजों 'कान्वन जंगा मोसौ फार्म' बेखेवदों

भवानिपुर, 15 डिसेम्बर: भवानिपुर बिधान सभा बियाबनि सिडव थानाय हाथिनापुराव बियाबनि एमएलए फनिधर तालुकदारनि बान्जायनायाव आरो कान्वनजंगा बियाब बिथानि क-अपारेटिभ ससाइटी लिमिटेडनि हेफाजाबाव दिने 'कान्वनजंगा ग-शाला' मुंजों मोसौनि फार्मखौ हाबाफारि बायदियै बेखेवनाय जायो। 'गिबि मन्थिनि गाव सोनारनो-हानाय आसाम अभियान बिथांखि' नि गेजेरजों गायसनजानाय मोसौ फार्मखौ बजालि जिल्लानि जिल्ला बेंगिरि मृदुल कुमार दासआ



बेखेवना होदों। बेखेवनाय बिबुंथियाव बजालि जिल्ला बेंगिरि दासआ 'गिबि मन्थि गाव सोनारनो हानाय आसाम अभियान बिथांखिनि 25 लाख रं बाहायनायजों मोसौ फार्मखौ (□ 5 बिलाइआव)

## गसाइगावआव आइजो फुटबल लीगआ जागायबाय

गसाइगाव, 15 डिसेम्बर: आसाम फुटबल आफादनि गेजेरजों खुंजानाय एबा गसाइगाव जिल्ला गेलेमु आफादनि बान्जायनायाव महकुमानि गरामारा फुटबल गेलेग्रा फोथाराव खुंनाय दिनेनि आइजो फुटबल लीगखौ बेखेवनाय जायो। बे (□ 5 बिलाइआव)



## राजिब भवनाव टिकेट हारथायगिरिफोरनि हौंगो-दौंगो

### लकसभा बिसायख'थिनि थाखाय सा 40 कंग्रेसिफोरा आर'ज बिलाइ गथायदों

गुवाहाटी, 15 डिसेम्बर: फैगौ लकसभा बिसायख'थिया खुंजानो गेजेरव माखासे दानल' आद्रा दंसै। लकसभा बिसायख'थिखौ नोजोर होनाँ आसामआव कंग्रेस दोलीनि टिकेट मोनो हाथाव दैदेनगिरिफोरा गुवाहाटीनि राजिब

भवनाव हौंगो-दौंगो जाफैनायखौ नुनो मोन्दों। आर'ज थिसनाय हाबाफारिनि 5 थि सानावबो कंग्रेसनि माखासे गोजौ थाखोनि दैदेनगिरिफोरा फोरमान बिलाइफोरखौ गथायबाय। बिसोरनि गेजेरव बबिता शर्मा, माधव राजबिस,

कृष्णा गौँ आरो अबजित हाजरिका। लकसभा बिसायख'थिखौ नोजोर होनाँ राजिब भवनाव साखा-फारा जानायनि थासारि सोमजिदों। आर'ज बिलाइ आजावनाय आरो गथायनायनि थाखाय बे सानफोराव राजिब भवनाव रंजाथाय

फोर्बो महरनि थासारि सोमजिदों। आर'ज थिसनाय हाबाफारिनि 5 थि सानावबो कंग्रेसनि माखासे दैदेनगिरिफोरा फोरमान बिलाइ गथायफेदों। एपिएससिसिनि लेडाइ आफादगिरि बबिता शर्माआ गुवाहाटीनि (□ 5 बिलाइआव)



## नख 'र मन्थि अमित शाहजों अजित पवारनि लोगो हमनायखौ फिन फावसाय फिनबाय

गोदान दिल्ली, 15 डिसेम्बर: महाराष्ट्रनि लेखइ गिबि मन्थि अजित पवारआ शुक्रबारखालि बुंदोमोन दि, बिथाड गिबि मन्थि एकनाथ शिंदे आरु लेखइ गिबि मन्थि देबेन्द्र फडणवीसनि गेजेराव मोनाबिलियाव मिरु नख 'र मन्थि अमित शाहजों सावरायदोंमोन, जायखौ दोन्थ 'नाय जाबाय। पवारआ नागपुरनि बिधान भवन नब्लाडव खौरांगिरिफोरजों राज्यन्त्यायनायाव बे बाश्राखौ बुंदों। बिधान भवननि नब्लाडव आयेन



आफादनि गोजा बोथोरनि जथुम्माया सोलियासिनो दड। लेखइ गिबि मन्थिया बुंदोंमोनदि, बिथाड मिरु नख 'र मन्थिफ्राय मोनसे खौरां मोनदोंदि माखासे गोनांथार खामानिनि थाखाय बिथाड शुक्र बारनि मोनाबिलियाव बिथांखौ लोगो हमनो हानाय नड। पवारआ

बुंदोंमोनदि, शाहया समबाराव मोनसे सावरायनो खावलायदोंमोन आरु जों समबाराव मोनसे जथुमनि थाखाय थिसनथाइ बिदोंमोन। पवारआ बुंदोंदि, शिंदे आरु लेखइ गिबि मन्थिफोर केबिनेट जथुमाव सामबाम आरु इथेनलजों लोगोसे मोनबा गहाय आयदाफोरनि सायाव सावरायदोंमोन। 2024 मायथाइसिम सामबाम दैथायहरनायखौ होबथानायनि उनाव महाराष्ट्रनि आबादारिफोर खैफोदआव गोरलैदों। सरकारआ नख 'रारि बाहायनायनि थाखाय सिनिनि खाबुखौ लाखिनो आरु बेसेनफोरखौ होबथानो थाखाय 2023-24 मायथाइनि जागायनाय बोसोराव इथेनल दिहुनायनि थाखाय खुसेरनि बिदै आरु सिनि सिराप बाहायनायखौ होबथादों।

## एलआइसिया मोन्ने रोखोमनि क्रेडिट कार्ड लन्च खालामबाय



गोदान दिल्ली, 15 डिसेम्बर: आइडिएफसि फास्ट बँक, एलआइसि कार्डस आरु मास्टर कार्डआ लोगो नांनानै क-ब्रान्डेड क्रेडिट कार्ड लन्च खालामदों। बे कार्डआव गोबां मुलाम्फाखौ जयै लाबोनाय जादों। एलआइसिफ्राय मिबथिहोनाय बायदिब्ला, बे कार्डनिफ्राय इन्सुरेन्स प्रेमियामखौ सुख 'नायाव रिवाड पइन्ट मोनगोन। लोगोसेनो 5 लाख रॉनि फ्रि एक्सिडेन्टल इन्सुरेन्सबो मोनगोन कार्ड हल्लारआ। बेनि अनगायै माखासे जइनि आरु एनुएल फिसबो होनांनय नड। इन्टेस्ट एबा सुटनि बाश्रा बुडोब्ला गुबुन कार्डजों

रुजुनायाव कार्ड हल्लारफोर बे कार्डखौ बाहायनायै बयनिखुइबो खमसिन सुट होनांनय। बे कार्डआव सुटनि हारआ बोसोराव 9 जौखोन्दोनिफ्राय जागायो होना खौरां मोनाय जादों। एलआइसिया मोनने रोखोमनि क्रेडिट कार्ड लन्च खालामदों। एलआइसि क्लासिक आरु एलआइसि सेलेक्ट। बेफोर क्रेडिट कार्डआ हादतनाडै 27 कौटिनिफ्रायबो बांसिन पलिचि हल्लारफोरनो मोनफ्रोमबो एलआइसि प्रेमियाम गथाइनायाव रिवाड पइन्ट मोनायनि खाबु होनाय

जागोन। बेनि अनगायै गोमानाय कार्डनि लेन-देननि थाखाय 50 रोजा रॉसिमनि कभार आरु 5 लाख रॉसिमनि पारसनेल एक्सिडेन्स इन्सुरेन्स कभार मोनगोन। कार्ड हल्लारआ एलआइसि इन्सुरेन्स प्रेमियामजों लोगोसे जायखि जाया अनलाइन सफि खालामनायाव रिवाड पइन्ट मोनगोन। एलआइसि कार्डखौ जर'खायै दावबायग्रा सुबुंफोरखौ नोजोर होनायै लन्च खालामनाय जादों। क्रेडिट कार्डजों एयारपट आरु रेलवे स्टेसनफोराव लाउन्जसिमनि टेक्स होनांनय आरु पारसनेल एक्सिडेन्ट बायदि गुबुन गुबुन सिकिउरिफिट कभारबो मोनगोन। लोगोसेनो कार्ड हल्लारफोर 1,399 रॉनि सार्व खालामनायाव लामा सेव गारिनि मदतजों लोगोसे 1 जौखोन्दो थाव सोनायनि रेहायनिबो मुलाम्फा मोनगोन।

इम्फल, 15 डिसेम्बर: आदिबासि एकता समिति (सिअटिडिउ) आ मणिपुराव गुबुन गुबुन हिंसायारि जाथायाव जिउ गोमानाय सुबुंखौ जोबथा बिदाय होनो थाखाय मणिपुरनि कांपकपि जिल्लायव 24 घन्टानि आबु बन्द' फोसावदों। जोबथा बिदायनि हाबाफारि मावनायनि थाखाय बै जिल्लायव दिनें शुक्रबार फुंनि 5 रिगानिफ्राय बेलासि 5 रिगानिसम समितिआ आबुडै बन्द' फोसावदों। मणिपुरआव नुजाथिनाय

## इराननि पुलिस थानायाव गाग्लोबनायजों सा 11 इरानी पुलिसफोरनि जिउ गोमादों

दुबाइ, 15 डिसेम्बर: खोला-सान्जा इराननि मोनसे पुलिस थानायाव गिखंथाव गाग्लोबनायाव सा 11 सुबुंनि जिउ ख'हा जायो आरु गोबां सुबुंफोरा जोखोम जायो। बे खौरांखौ शुक्रबारखालि मोनसे सरकार टि.भि.आ होदों। सिस्तान आरु बलुचिस्तान रायजोनि लेखइ रायजो बैगिरी आली रेजा मरहेमतीआ बुंदोंमोनदि, तेहराननिफ्राय 1,400 किल'मिटर खोला-सोनाबआव रुस्क सहराव फुंनि 2 रिगायाव हरखाब गाग्लोबनायाव गागि पुलिस मावख'गिरि आरु गोबां



गुबुन रौनियाफोरा जिउ गोमादों। मावख'गिरिया बुंदोंमोनदि, फिन साजा होनायाव पुलिसआ गुलि गावदोंमोन आरु गोबां गारलोबग। फोर खौ

अदलआ गंसे बासआव सुइसाइड बमबार आ बेर फुनायनि बिबान लादोंमोन जेराव इराननि गोजौ थाखोनि रिभोलुसनारि गार्ड फर्सनि सा 27 सोद्रोमाफोर थेंदोंमोन। बावैसो दानाव सुन्नी सुबुं अनजिमा थानाय ओनसोलाव उदखारिफोर आरु फिसा आलादारि हान्जाफोरा सरकारनि बेरेखायै गहाय थाखोनि बिग्रायनायाव गोबां पुलिस थानाफोराव गाग्लोबदोंमोन।

अदलआ गंसे बासआव सुइसाइड बमबार आ बेर फुनायनि बिबान लादोंमोन जेराव इराननि गोजौ थाखोनि रिभोलुसनारि गार्ड फर्सनि सा 27 सोद्रोमाफोर थेंदोंमोन। बावैसो दानाव सुन्नी सुबुं अनजिमा थानाय ओनसोलाव उदखारिफोर आरु फिसा आलादारि हान्जाफोरा सरकारनि बेरेखायै गहाय थाखोनि बिग्रायनायाव गोबां पुलिस थानाफोराव गाग्लोबदोंमोन।

## आडानी ग्रुपआ बिहाराव 8,700 कौटि रॉनि इन्भेस्ट खालामनो थांखि लादों

गोदान दिल्ली, 15 डिसेम्बर: पाटनायाव साननैनि हाबाफारिजों खुंलानाय ग्लेबल इन्भेस्टर सिखर सम्मेलन 'बिहार बिजनेल कानेक्ट-2023' नि समाव गुबुन गुबुन फोथारनि 300 कम्पानिफोरजों लोगोसे 50,530 कौटि रॉनि गनार्याथिनाय फोसावदि (एमअइउ) आव मुंसाइ होनाय जायो। फारसेथिं आडानी ग्रुपआ बिहारनि थाखाय गावनि थालाखौ बेखेवना होदों। सम्मेलननि समाव आडानी इन्ट्राइजेसनि डाइरेक्टर प्रनब आडानीया बुंदोंदि, जॉनि ग्रुपआ बिहाराव सिमेन्ट दिहुनाय लजिस्टिक आरु आबाद उद्यगजों लोगोसे गुबुन गुबुन फोथाराव 8,700 कौटि रॉनि इन्भेस्ट खालामनो थांखि लादों। बेनि गेजेरजों रॉज्योआव 10 रोजा सुबुंफोर थेंजोडै एबा खेस्तायै खामानि मावनो मोनगोन। कम्पानिया सिगाडव बेवहायनो



850 कौटि रॉनि इन्भेस्ट खालामखांबाव होनाबो बिथाड बुडो। सम्मेलननि समाव जाय गुबुन रादाय फोसावदिफोरगव मुंसाइ होदों बिसोरनि गेजेराव 7,386.15 कौटि रॉनि एमअइउ भारत पेट्रोलियम कपरेशन लिमिटेड, 5,230 कौटि रॉनि पटेल एग्रि इन्डस्ट्रीस प्राइभेट लिमिटेड, 2,200 कौटि रॉनि एमअइउ हल टैग इन्टरनेशनल,

2000 कौटि रॉनि रादाय इन्ड इउरपीयन हार्ट हस्पिटल एन्ड रिसार्च इन्स्टिट्यूट प्राइभेट लिमिटेड, 1600 कौटि रॉनि देब इन्डिया प्रजेक्ट, 1000 कौटि रॉनि स्टर सिमेन्ट, 1000 कौटि रॉनि आल्ट्राटेक, 1000 रॉनि जेके लक्ष्मी सिमेन्ट, 8000 कौटि रॉनि स्प्रे इन्जिनियरि डिभाइसेस लिमिटेड, 674 कौटि रॉनि बरुण बेवेरेज, 650 कौटि रॉनि श्री

सिमेन्ट बायदियाबो दंफायो। सिखर सम्मेलननि जोबथा साननि हाबाफारियाव बिहारनि गिबि मन्थि नितिस कुमारआबो बाहागो लादोंमोन। अदेबानि हाबाफारियाव नुजाथिनाय सुबुंफोरनि सिगाडव गिबि मन्थिया बिबुंथि लाखियाखै। नाथाय बे समाव बिथाड बिहार लजिस्टिक्स पलिचि 2023 आरु कपि टेबल बुकखौ बेखेवना होयो।

## मणिपुर हिंसायाव जिउ गोमानाय सुबुंफोरखौ जोबथा बिदाय होनायनि थाखाय 12 घन्टा बन्द' फालिदों



हारियारि हिंसायाव जिउ गोमानाय कुकि-ज' सुबुंफोरनि गोथै सह'खौ बिसोरनि नख 'रनो गथाइनो थाखाय सरकारनि नाजानायखौ बरायनानै सिअटिडिउआ बुंदोंदि, जों जॉनि

मुंखल कुकि-ज' बिदा-फं बायफोरखौ नेम-खांथि बायदियै जोबथा बिदाय होनायै मान होगोन। गुबुन फारसेथिं मणिपुरआव गोहो-गोर होना गनायजानाय मेतेइ

आफादफोरनि गेजेराव मोनसे थभइ मिरैला बे हाबाफारिनि सायाव गोजोनाय गैयै फोरमायदों आरु दाय जाबसिन्दोंदि, गोथै सह'खौ नख 'रनो आरु सोमोन्दो थानाय

सुबुंफोरनो गथाइनाया स्रोदयै जादोंमोन। थभइ मिरैल उमेन विंसनि लेखइ बिबानगिरि पाअनम सना हनबिआ मिडियानि सिगाडव बुंदोंदि, सरकारा गोमानाय सा 37 मेटेइफोरखौ बिसोरनि नख 'रनो आरु सोमोन्दो गोनां सुबुंफोरनो गथाइ होनो हागोन नामा? सिगां फारसे बिथाड सांघ्राथि होनायै बुंदोंदि, जुदि मणिपुर सरकारा थाबैनो गोमानाय मेटेइफोरखौ बिसोरनो नख 'रनो गथाइना होनो हायाब्ला गावसोरनि आफादा गोखोंसिनै सोमावसोरनो। मख 'जाथावदि, गासै सा 64 सुबुंफोरनि गोथै सह' (सा 60 कुकि-ज' आरु साब्रै मेटेइ) जायफोरा हारियारि हिंसायाव जिउ गोमादों। बिसोरनि गोथै सह'खौ मणिपुरनि गुबुन गुबुन फाहामसालिनि गोथै दोनग्रान'आव दोन्नाय जादोंमोन। थांनाय 14 डिसेम्बरआव बिसोरनि गोथै सह'फोरखौ आंगो नख 'रनो एबा खाथि सोमोन्दो थानाय नख 'रनि सुबुंफोरनो दैथाइहरनाय जाबाय। सोलिफु बोसोरनि थांनाय मे दानाव जागायनाय मणिपुरनि हारियारि हिंसायाव सा 200 नि बांसिन सुबुंफोरनि जिउ गोमादों, जेराव गोबां न'-बां गैजायै जानायजों लोगोसे आलाइ-सिलायै जिउ खानो गोनांबो जादों।

## उल्फा ( आइ ) आ जरहाटनि सान्थि केम्पनि दरखडव ग्रेनेट बेरफु होदों

जरहाट, 15 डिसेम्बर: इउनाइटेड लिबारेसन फ्रन्ट अफ आसाम (इन्डिफेन्डेन्ट) एबा (उल्फा आइ) नि सन्देह' गोनां उतखारिफोरा बृहस्पतिबार मोनाबिलि समाव आप्पार आसामनि जरहाट जिल्लायव थांनाय गंसे भारतीय सान्थिनि केम्पआव गाग्लोबदों। जरहाट जिल्लानि लिसुबारि ओन्सोलाव थांनाय सान्थिनि केम्पआव उल्फा आइनि सोद्रोमाफोरा ग्रेनेट गारहरना बेरफु होदों। बे जाथायाव जेबो रोखोमनि

ख'हा जानायनि खौरां मोनाय जायाखै। सुलुनि बायदिब्ला मथर साइकेलजों फेनाय सानै सुबुंफोरा ग्रेनेटखौ गारलादों। बिसोरखौ उल्फा आइनि केदार होनायै हमदांनय जादों। बिसोरनो सान्थिनि केम्प फारसेथिं मथर साइकेलजों फेनायै ग्रेनेटखौ खुबैनानै गारलादों। जाथाइनि सुबुंफोरनि गेजेराव गिखांनय आरु दावराव-दावसि सोमजियो। उनाव ग्रेनेट खुबैनानयि खौरां मोनायै

पुलिस् आरु जिल्ला खुंथाइनि गाहाइ बिबानगिरिया जाथायसालियाव खौरां लाहैयो। बेनि उनाव उल्फा आइआ सान्थिनि केम्पआव ग्रेनेट खुबैनानयि बिबानखौ लायो। थामहिनबा बेनि ग्रेनेट खुबैनानयि सिमान लायो। उल्फा आइनि गाहाइ फरेस बरुवाआ लकेल टेलिभिजन चनेलफोरगव फन खालामनानै लिसुबारिनि सान्थिनि केम्पआव ग्रेनेट खुबैनानयि बिबानखौ गनायथिना लायो।

No.TECH-05/SE(B)/E-Tender/2021-22/P-1/68 Dated Kokrajhar the 14/12/2023

**Tender No. 530 of 2023-24**  
**PRESS NOTICE INVITING TENDER**

The Superintending Engineer, PWD, Kokrajhar Building Circle, Kokrajhar on behalf of Governor of Assam invites bids from approved and eligible Contractors registered with Public Works Department (Building), Assam/Contractors registered with Bodoland Territorial Council in the category of Class-I (A, B & C) & Class-II for 6 (Six) Nos. of works with a bid validity of 180 (one hundred eighty) days from the date of opening of the tender.

Sl. No.	Package No.	Name of Work	Approx. Value of Work (Rs)	Time of completion	Bid security (In Rs)	Tender processing fee (Rs)
1	530.1	Construction of Jagannath Community Hall and Skill Centre under Udalguri LAC. (AT HATTIGARH TE)	1,40,73,143.00	12 (Twelve) Months	2,82,000.00 for General & 1,41,000.00 for Reserved Category	2900.00
2	530.2	Construction of Jagannath Community Hall and Skill Centre under Udalguri LAC. (AT PANERI TE)	1,40,73,143.00	12 (Twelve) Months	2,82,000.00 for General & 1,41,000.00 for Reserved Category	2900.00
3	530.3	Construction of Jagannath Community Hall and Skill Centre under Udalguri LAC. (AT CORRAMPOR TE)	1,40,73,143.00	12 (Twelve) Months	2,82,000.00 for General & 1,41,000.00 for Reserved Category	2900.00
4	530.4	Construction of Jagannath Community Hall and Skill Centre under Udalguri LAC. (AT BHUTIACHANG TE)	1,40,73,143.00	12 (Twelve) Months	2,82,000.00 for General & 1,41,000.00 for Reserved Category	2900.00
5	530.5	Construction of Staff Quarter, Brick Boundary wall and Pucca Approach Road at Bamunjali Mini PHC in Udalguri District.	30,67,999.00	06 (Six) Months	62,000.00 for General & 31,000.00 for Reserved Category	1000.00
6	530.6	Repairing of Doctor Quarter and Staff Quarter at Rowta Model Hospital in Udalguri District.	25,03,137.00	06 (Six) Months	50,200.00 for General & 25,100.00 for Reserved Category	1000.00

Details may be seen at website <http://assamtenders.gov.in> and also in the office of the undersigned during office hours.

The Press Notice will be a part of the Bidding Documents.

**Note:**

- N.I.T Value is inclusive of GST, Labour cess etc.
- Pre-Bid Meeting will be held on 28.12.2023 at 11.00 A.M. in the office chamber of the undersigned.
- Bid submission closing date 11.01.2024 upto 1.00 P.M.

Sd/-  
Superintending Engineer, PWD,  
Kokrajhar Bldg. Circle, Kokrajhar

IPR(BTC)-2023-24/953

No.BDB/Tender/46/2023-24/187 Date 14/12/2023

**SHORT NOTICE INVITING TENDER.**

Sealed tender affixing a non-refundable Court fee stamp of Rs.8.25(Rupees eight & twenty five paise) only with a validity period of 180 days which will subsequently to be converted and drawn up in the printed of F-2 form are invited from the registered contractors of class-I (A, B & C), Class-II & Class III category of Assam PWD (Roads & Building) and BTC according to their eligibility for submitting tenders for the works under P&RD (SOPD) Department in BTC for the financial Year 2023-24 as stated below. The tenders will be received by the undersigned up to 2.00PM on 05/01/24 and will be opened on the next date (as on 06/01/24) & place at 2:30 PM.

Sl. No.	Name of activity.	Estd. Value (in Lakhs)	Tender Value (in Lakhs)	EMD/Bid Security (in Rs.)	Cost of Tender paper (in Rs.)	Pre-bid date and Time	Last date & time of bid submission	Date & Time of bid opening	Time of completion of Work
1	Construction of Kalam Basumatary Memorial Open Stage at No.2 Singribari Under Khasiachuba VCDC under P&RD (SOPD) Department.	16.66 L	16.66 L	(for 16660 ST,SC) 33320/- (for OBC & General)	500	15/12/23	05/01/24	06/01/24	10month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 15/12/23 to 06/1/24 up to 1.30 PM. In the office of the undersigned on payment in the form of demand draft/bankers' cheque from any Nationalized Bank, duly pledged in favour of the Principal Secretary, BTC, Kokrajhar payable at Kokrajhar. The Contractor should attested copy of latest registration certificate, latest certificate of Income Tax and Sales Tax GST registration, Pan Card along with the tenders. In case the office remains closed on tender issuing/opening date the same will be issued/received/opened on the next working day without further notification. (The successful tenderer has to be submit 1% (one p/c, in case of ST/SC) and 2% (two p/c, in case of General, OBC and Firm/ Enterprise). Earnest Money against the work in the form of PDR/Banker cheque/D. Draft from any Nationalized Bank duly pledge to the Block Dev. Officer, Bhergaon Dev. Block, Bhergaon as mentioned above at the time of allotment of work). The Block Dev. officer Bhergaon Dev. Block reserves the right of accepting of tender papers or outright rejection of the same without assigning any reason thereof.

Sd/- Block Dev. Officer,  
Bhergaon Development Block, Bhergaon

IPR(BTC)-2023-24/949

## सुबुं देहानि मिबथिनो गोनांथार मोन 10 सोमोनांथाव बाथा

सुबुंनि देहा सोलेरआ इसोरनि मोनसे समाइना रहस्य गोनां सोरजिथाइ, जायनि सायाव गोदान गोदान नायबिजरनानै बेनि गोदान गोदान बाथाफोरा सोराइव फेबाय थायो। बेनि गोबां बाथाफोरा सोमोनांथाव आरो गोबां सोद खौरांफोरा जौंखौ सानो गोनां खालामो। सुबुंनि गासैबो अंगयानो गावनो गाव आलादा सोमोनांथाव। बेखौ आबुडै आरो गुवारै मिबथिनो थाखाय दासिमबो आद्रा दंबावो। सुबुंनि देहा सोलेरजौं लोब्बा थानाय सान्त्रहायै बाथाफोरखौ बिगियानगिरिफोरा सान्ना मोनबाय आरो जौंनो मिबथिहोबाय। नाथाय दिनें जौं सुबुंनि देहा सोलेरनि मोन 10 गाहाइ मिबथिनो गोनां बाथाफोरखौ मिबथिहोना सिगांदां। सुबुंनि देहा सोलेरनि बेफोर मिबथिना लानो गोनां बाथाफोरखौ गाहायाव फोरमायना होनाय जाबाय-



सेल दैथाइहरो।

2. सुबुंनि खुगायाव सानफ्रोमबो 720 मिलि लिटरनिफ्राय 1.5 लिटरसिम खुदै सोमजियो।  
3. हौवा सुबुंफोरनाव दारिया बयनिखुइबो गोखैसिनै लावो। सोरबा हौवा सुबुंआ गावनि जिउआव खनसेबो सेभिं खालामाब्ला एबा दारिखौ हास'याब्ला बेनि दारिया 30 फुट गोलाव जानो हायो।  
4. जेब्ला जौं हारसिउयो अब्ला मेगनखौ बेखेवना लाखिनायाव गोबाव जायो। मानोना मेलेमा जौंखौ हारसिउयाव समाव मेगन मेसेबनो थाखाय सिगनाल दैथाइहरनो आरो खेबसे हारसिउयाव घन्टयाव 100 माइल गोखैथिजौं फैयो।  
5. जौं जानाय आदारखौ खुगानिफ्राय उदैसिम लांनया 7

सेकेन्डल' सम नांगो जायो। फारसेथिं लाव लाव लॉग्रा मुवाया खुगानिफ्राय उदैसिम सौहैनायाव 1-2 सेकेन्डल' सम नाडे।  
6. देहानि गासै केल्सियामनि 99 जौखोन्डोनिबो बांसिन बिबांखौ हाथाइ आरो हाराफोरव मोन्याय जायो।  
7. सासे बैसो गोरा सुबुंनि आगानसे बारायनायाव 200 मोदोम बेदरफोर एबा मांसपेसिफोरखौ बाहायनाय जायो। बे हिसाबै जुदि 10 रोजा आगान थाबायोब्ला सुबुंआ मांसपेसिफोरखौ बेसेबां खामानियाव बाहायो बेखौ जौं हमदांनो मोनो।  
8. जौंनि जुमुदैयाव जौंनि आबुं ब्लुफ्रिन्ट थायो। जौंनि खुदैयाव खुगानि जिबिखोरनि डिएनए

थायो, जायजौं गासैबो देहायायि खौरांफोरखौ मिबथिनो मोन्याय जायो।  
9. आरबिकुलरिसि एक्युलाइ जाय मेगनखौ मोखेब होयो बेयो सुबुंनि देहायाव थानाय बयनिखुइबो गोखैसिन मांसपेसिफोर जायो। बेफोरो 1 सेकेन्डआव 100 थि बाहागोनिबो खमसिन गावसोरनि खामानिफोरखौ मावो। सानसेयाव गोबां सुबुंफोर खेब 20 रोजा गाव गावनि मेगनखौ मोखेबनो हायो।  
10. बयनिखुइबो बांसिन हार्ट एटाकआ समबार बारायाव जायो। समबारखालि खामानि मावनायनि नारसिन्थाइनि जाहोनाव बिब्दि हार्ट एटाक जानायनि जेनाया बांसिन जायो होन्ना बुंन्याय जादो। □

## मुलुगनि खमसिन लेखा रेंनाय

### सुबुंफोरनि हादतखौ मिबथिगौ ना?



नागिरना मोनगोन। बेयाव औरैबायदि खम लेखा गोरोंफोर दड; जेराव सोरबा लेखा गोरों सुबुं लोगो मोनोब्ला सोमोनाडे, जैरे बिनि साखाथियाव सोरबा एलिथेनआ सफैबाय। मानोना बेयाव लेखा रेंनाय सुबुंखौ सासेबो लोगो मोनाबो जानो हागो। मुलुगनि खमसिन लेखा रेंनाय सुबुं थानाय हादतआ नाइजार। बेयो मुलुगनि दरसे औरैबायदि हादत, जेव लेखा रेंनाय हार एबा लिटरसि रेडआ जोबोर खम। इउनेस्कनि स्टेटिस्टिक्स डिपार्टमेन्टनि 2015 नि अन्जिमा बायदिब्ला, नाइजारआव लेखा रेंनाय हारआ 19.1 जौखोन्डोमोन। फारसेथिं आफगानिस्तानआव 38.2, बुर्किनायाव 36 जौखोन्डो आरो गिलीआव 30.4 जौखोन्डोल' लेखा रेंनाय सुबुंफोर दड। □

आथिखालाव मुलुगनि हादतफोरा गोबां जौगाबाय। लेखा-फरा, गोनोखो-बिगियान, दिहुन्थाइ जेरावबो हादतफोरा जौगानो हमबाय। बेफोरनि गेजेराव मुलुगनि बयनिखुइबो लेखा रेंसिन हादतआ बवे? एबा बवे

हादतनि लेखा गोरों हार (लिटरसि) आ खमसिन? बेनि फिन्नायाव गिबियाव आफगानिस्तान आरो नाइजिरिया बायदि हादतनि मुंआ गोसोआव फेगोन। अदेबानि गोबां सुबुंफोरा बवे हादतआव खमसिन लेखा रेंनाय सुबुंफोर दड होन्ना

बुडेब्ला बेखौ मिबथिया जानो हागो। नाथाय फिन्नाया आफगानिस्तान आरो नाइजिरियाबो नड। दिनें जौं औरैबायदि दरसे हादतनि बागै मिबथिहोगोन जेराव बै दरने हादतनिखुइबो लेखा गोरों सुबुंफोरखौ जोबोर गोबाबै

## जुनियर वर्ल्ड कापआव भारतआ जार्मानीजौं जेन्दों

गोदान दिल्ली, 15 डिसेम्बर: भारतीय हकी टीमआ पेनाल्टि कर्नरनि खाबु लानो हायैनि जाउनाव जिंगायाव गोग्लेनादों आरो जुनियर वर्ल्ड कापनि सेमिफाइनलाव जार्मानीजौं 1-4 गलनि फारागआव गाञ्जिये जेन्नादों। भारतीय टीमनि गेलेगिरिफोरा आबुं मेचनि समाव गासै खेब 12 पेनाल्टि कर्नर मोन्दीब्लाबो बेखौ गलनि महर होनायाव फेलें जादों। खेब 6 सेम्पियन जाखांनय जार्मानीआ खेबनैबो मोन्याय पेनाल्टि कर्नरखौ गलनि महर होजोबनो हादों। बेनि सिगां क्वार्टर फाइनलाव भारतनि टीमआ नेडारलेण्डनि हेंथायै जोजाडै दिन्थिफुनो हानायदों 4-3 गलआव देरहादों। नाथाय जार्मानीनि हेंथायै खेबफ्रोमबो पेनाल्टि कर्नरखौ खाबु लानायाव फेलें जाजोबदों। जार्मनि जानानै बेन हेसबेकआ



मेचनि 8 मिनटआव फिलिंड गल सोनायनि उनाव 30 मिनटआव मोन्याय पेनाल्टि कर्नरखौ गल सोनानै टीमखौ 2-1 स्करआव आवगायहोदों। बेनि सिगां मोनसे समाव टीमनि स्करआ 1-1 आव समान जादोंमोन। मानोना भारतनि जानानै जार्मानीआ गल सोनायनि उनावनो 11 मिनटआव भारतनि सन्दिप चिरमाकआ गल

सोफिन्दों। बेनि उनाव जार्मानीआ ग्लेन्डार पालनि 41 मिनट आरो फ्लरियान स्पॉलिनि मददजौं देरहानाय स्करसिम आवगायदों। बाराग' रनार्सआप जार्मानीनि टीमआ बे खेबआव फ्रान्स आरो स्पेनि गेजेराव जानो गोनां नैथि सेमिफाइनलनि देरहागिरिजौं बादायगोन। गुबुन फारसै भारतआ शनिबारखालि

ब्रन्ज मेडलनि थाखाय सेलेन्जआव ओं खारगोन। मख'नो गोनांदि, भारतीय जुनियर टीमआ सोलिफु बोसोरव जार्मानीजौं खेब 5 मेच गेलेबाय। जायनि गेजेराव भारतआ खेबफ्रोमबो जेन्नादोंमोन आरो बेनि सिगां बे टीमजौंनो 2021 नि सेमिफाइनलाव 2-4 गलआव जेन्नादोंमोन। □

## रंजालि गथ'फोरनि सौरा

### गजल खन्थाइ

खन्थाइखौ माबोरै रेवो  
बुंन्याय खोनायो बयखौबो

नाथाय खन्थाइ रेबनाया  
रेबग्रानि गोरबो गोरबो

मालाबा दिखारजौं  
मालाबा नेवसि जानायजौंबो

बोहैयो खन्थाइनि जिरजिला  
नोनियावबो आनियावबो

-रैदोम बर'  
माजदिया, बगुलामारि,  
बाक्स

### जौ

-केशव गयारी

आंनि मुड जौं  
खालामो आं मानसिखौ फागोला  
आंखो लोडेब्ला जायो मानसिआ.....  
आंखो लौनानै फेयोबोला जायो  
मानसिआ दावराव-दावसि  
शेवबो गिया मानसिआ आंखौ लौनो।  
मिथिया आं, आंखो लोडेब्ला  
मानसिआ मानो दावराव-दावसि जायो।  
बिदिनो खालामो आं मानसिखौ  
दावराव दावसि।  
आंनि मुड जौं,  
मानसिफोरा आंखौ लौनायावबा  
अराय सम सुखि गोजोन।  
जेब्लाना आं खर'आव दावखोयो अब्ला  
मानसिआ जायो दावराव दावसि  
बिदिनो खालामो आं  
मानसिनि जीउआव बायदि मैया।  
मानसिआ आंखौ लौब्ला मानो  
सिरियानो रोड।  
आंनि मुड जौं  
बेनिखायनो जायो दावराव दावसि  
मानसिफोरनि गेजेराव एना एनि.  
आंखौ लोडेब्ला जायो मानसिआ  
मानसिफोरनि गेजेराव दावराव  
दावसि।  
आंनि मुड 'जौ' 'जौ'।

### बिदायनि समाव खनसे गोसोखानानै

मोफ्लामगासे जिउखौ लाना  
जोनोम मोनबाय आं बायलुं देरायाव  
बे भावथिना सालि बुहुम बिखायाव।  
गैयामोन गोसोआवबो लुबैनाय  
नाथाय हायाखैसै अराय सम थावरिनो  
दुथांफोरनि फाव फान्दायनायाव,  
जालांबाय बायलुं देरायाबो थेर-बेथेर  
मोखां सोमखे महरैब्लाबो  
फोथैआखै बर' फिसाखौ नौं बिमाया।  
नौं बिमानि हाञ्जिखावनायाव  
बोदोर गोसो आंनि  
ओंखारबोबाय दावहागि थिलियाव  
बर' बिमाखौ अराय सम हेफाजाब होनो।  
गावनि देहा जिउखौ बावसोमनानै  
नाजादोंमोन उदखारिखौ फोजेबसांनो,  
नाथाय गैया गावजौं-गाव खौसेथि  
गुबुनि फाव फान्दायनायाव बजबनांबाय आं,  
अरायनि थाखाय जिउनि साजा।  
खोमानांबाय सोरबा गावनि आगोमा फिसा  
सोरनिबा खाफालनि फोथायाबो हुखुमुर् जाबाय।  
दै अनजालि, बिदायनि समाव  
नौंनि फावदुर खावलायआव बिलिरना  
आं फेफिनगोन बर' बिमाखौ उदां खालामना।  
सानैजौं लुगोन सनानि देरा  
अनलायनायनि गेजेरजौं संसारखौ दालांगोन,  
दोनानै होबोनाय सद बांसाखौ  
हायाखैसै लाखिनो दिनें  
गासैबो जालांबाय थेर-बेथेर।  
खामलाबायनाय देहा-सोलेरखौ लानानै  
गोसोआ लुबैयो नौं अनजालिखौ लोगो मोननो,  
नौंनि आखायनि दै गरदसे मोनलौंनो  
दान्दसे जिउखौ गोजोनग्लाय होनो।  
नाथाय हादर उदखारि अनगोथेफोरनि नोजोराव  
हायाखैसै आं गावखौ रैखा खालामनो  
होनांबाय आं नौं अनजालिखौ अरायनि थाखाय बिदाय।

मुस्त्रि रमेन रामसियारि  
जिला-बागसा, बि टि सि

### दुफाड आंनि बोदोर

अ'- दुफां, अ'- दुफां  
नौं दिनें नुजा फेनायआव,  
नुनानै मोनदानानै  
गोसो गोर्बो गोजोनबाय आं दिनें नौंखौ लानानै।  
दंहेयोमोन नौं बबेयावबा  
दान ज'खायनै खावसे बारनानै  
आंनि गोर्बो गोजोनहोरा  
दाव-खौओनि रैसुमै मेथाइखौ लानानै।  
नौंनि दुब्रुद आखायनि -  
बिलिरनाइ मोनैआव,  
दाव खौओनि रैसुमै मेथाइ खोनायैआव  
सहाइ बांदों आं हाजासे दुखु-दाहा।  
गोजोन हाया आं नौंनि  
दुब्रुद रैदुब आखाइनि बिलिरनाइखौ बावगारना।  
रंजानो हाया आं नौंनि  
होफेनाइ गोदै खौरांनि रादाबखौ नागारना।  
ना दुफाड नुजा फैब्ला-  
सानो आं नौंखौ लाना माबा मावनो,  
हाया आं बोदोर गोसोखौ हमथानो  
बोलो मोना आंमिथिस'आ नौंनो फोरमायनो।  
दुफांनि बै बारनाय खोलो-खोलो सुदोम बारा  
दाव खौओनि रैसुमै दंखोआ  
मिथिगायाव लाबोयो फिफां-लाइफांनि बिलाइ सिरिनाइ,  
अखाडव दुफावलु सोमखे जोमै सोमजि होयो।  
आय दुफां नौंनो लाबोयो लाबोयो आंनि गोसोआव,  
सानथ्रहायै इयुननि गेदेर गुवार मिजिं बाना,  
नौंनो होफेयो आंनि गोर्बोआव-  
हाजासे जुजिनाइनि गोमोथाव सिमां जायखलं।

मुस्त्रि फुरब बसुमतारि  
रुणिगाता गोजौ फरायसालि

### दानागारसै दामि सिख्लाफोर

दानागारसै दानागारसै दानि सिख्लाफोर  
नौंसोरो गावनि हारिमुखौ दानागारसै,  
दालाबो मालाय हारिनि सुरिदार लंफेन  
गाननाय खानाय हाखोनाय हौवाफोर बायदि  
आखलखौ दालाबोसै दानि सिख्लाफोर,  
नायदो साननानै नाय बयबो सिख्लाफोर  
सिजौनि गुमुरखौ नौंसोर गारलांबाय,  
बर'नि गाननाय हारिमु आयदानि दखना  
लाबोबाय नौंसोर मालाय हारिनि गाननाय खसाब,  
मालाय हारि बायदि हौवाफोर बायदि।  
जोंहा दड मैथा हाजि रां-रासि बारि गंथाम,  
साननानै लादो सिख्लाफोर।  
बिसोर बाथौनि साथाम फानथाम  
ओरेनो जायाखै बर' सिख्लाफोर,  
बाथौ बान्दोबा,  
सिजौआ सिरिबा  
नौंसोर साननो हायाखै नामा?  
दं जोंहा सानसनो रौंबा  
बेनिखायनो बुडे बर' सिख्लाफोर  
मालाय हारिआ लाया जौंनि हारिमुखौ  
फेफिनदो गावनि हारिमुआव दानि सिख्लाफोर।

थरायना अन्दे बाला बसुमतारि  
गामि- 16 नं आमगुरि ( थिनाली )  
ला:सो:- हलदुगाव,  
जिला- कक्राझार बि टि सि आसाम।

### आंनि गामि

हाबाब मा एसे समायना बे बर' गामि  
बेनो आंनि जुगामि जोनोम थावनि।  
ग्रोम ग्रोम गय, खात्थाल थायजौं बारि  
सोमखोर बिफां लाइफां सारि सारि  
दड सोरगिदि बेनो बर' गामि  
बजबनानै आंगो हारिमुआरि।  
गामिनि फारसै फैलाव दुब्लि माय गायग्रा।  
सोनाब सेरजौं बोहैयो दैसा लाल महन  
न' न' बर' आइजोनि सि दानाय  
गोमो, गोथां गोजा दखना लामनाय।  
जैरे नायो एरेनो आबाद थिलि  
जोबनो गैया मोशौ, बोरमा दाव अमानि।  
बोथोर सफैब्लानो हाल खदाल  
जोंहा गैथारा जेनिबो आंखाल।  
रंजा खुसि रायजो जादों बयबो  
गैथारा जना जानि बयबो।  
हाबाब मा एसे समायना आंनि गामिआ।

मुस्त्रि उपेन कुमार बसुमतारि  
गामि- साफागुरि,  
ला:सो:- साफागुरि,  
जिला- चिरां, बि टि सि

( 1 बिलाइनिफ़्राय )

## बिटिसि गौथुमनि 3 थि बोसोरारि फोर्बोंयाव बड'फा उपेन्द्रनाथ ब्रह्मखौं प्रमद बर'आ गोसोखांथि मान बाउदों

थि बोसोरारि फोर्बोंखौं लोब्बा लानानै बिटिसि सरकारआ थंनाय 10 डिसेम्बरनिफ़्राय आजावना लानाय सान 5 नाडै हाबाफारिन दिनै जोबथा साननि हाबाफारि बायदियै फुडव बड'फा नोगोरव थानाय बिटिसि सेक्रेटारियेट लांगोनायाव बड'फा उपेन्द्रनाथ ब्रह्मनि मुसुखायाव मान बाउनाय जादों। बेनि उनावनो बिटिंसि गौथुमारि आइन आफादनि बुंथिगिरि कातिराम बर'आ गोजोननि फिरफिलाखौं बिरहोयो। गोजोननि गुफुर गाबनि फिरफिलानि सिडव बड'लेन्डनि 35 लाख नौनारि सुबुंफोरसो गोजोन आरो गोग्गो नोगोरारि महरै दाफुंनारयनि थाखाय प्रमद बर'आ बिटिसिनि मावफुं सोद्रोमा–एमसिएलएफोरजों लोगोसे सेक्रेटारियेटनि खामानि मावग्रा साफ़्रोमबो बिबानगिरि–मावसुमाफोरखौं समायखिरा लाहोयो।

मख'नो गोनांदि, दिनै जोबथा साननि हाबाफारि बायदियै बिटिसि सेक्रेटारियेट लांगोनायाव हाबाफारि बायदियै कक्राइारनिफ़्राय कार्बि आंलं आरो धेमाजिसिम दावबायनो गोनां गंभ्रै एसि गोनां बड'लेन्ड बासखौं बिटिसिनि गाहाइ मावफुं सोद्रोमा प्रमद बर'आ गोथारै बेखेवना होयो। बेनि उनाव एसि गोनां बासयाव सादा–बुसा सुबुंफोर बायदिनो दावबायनानै दतमानि थुलुंगाफुरियाव थंनानै बड'फानि मांखरसालियाव मान बाउनानै बिथांखौं गोसोखाडे। मख'नो गोनांदि, थुलुंगाफुरियाव बड'फाखौं मान बाउनारयनि उनाव गाहाइ मावफुं सोद्रोमा प्रमद बर'जों लोगोसे साफ़्रोमबो मावफुं सोद्रोमा, एमसिएलएफोय कक्राइार सहरनि भातिवारयाव थानाय बर' सोमावसारनारयनि गिबि मुंख्ळं सुजित नार्जारीनि मांखरसालियाव बिबार माव बाउदों।

बे सानखालिनो 3 थि बोसोरारि फोर्बोंखौं लोब्बा लानानै दिनै निखाविरि नख'रारिफोरसो रंखान्थि आर्जिनारयनि लामा बेखेवना होनानै हाबाफारि बायदियै बड'लेन्ड टि-सार्भिस मुं थि खालामनानै गं 20 साहा फानबायग्रा दावबायारि इ–रिक्साखौं बेखेवनानै होयो। बिटिसि गौथुमारिनि 3 थि बोसोरारि जाफुंसारनायखौं लोब्बा लानानै खुंनाय गोसो बोनो हानाय गाव गोनां हाबाफारिखौं जाफुंसार महरै खुंजानायाव गोजोन्नाय फोरमायनानै बिटिसिनि गाहाइ मावफुं सोद्रोमा बर'आ दिनै खौरं बिजॉनि सिगाडव बेरेखा दोलोआ प्रमद बर'आ जायखि–जाया जौगाखांहोनो हायाखै होन्नानै साफ़्रोमब वुंबोबाय थानाय अजदखौं नेवसिनानै बिथाड खौरं बिजॉनि सिगाडव बुंदोंदि, बिसोरनि बे अजदआ सरसनस्त्रा जौगाखानायनिखुइ बे ओन्सोलयाव बयनिखुइबो गोनांथार आयदाया गोजोन आरो रेखाथि लाबोनोयासो गोनांसिन। बेनि सोमोन्दै बर'आ मोनसे बिदिन्थि होनानैबो बुंदोंदि, मोनसे लामाया हाबु जानानै थायोब्ला एसे ख्स्थ खालामनानै थानो हायो, नाथाय जेराव रेखाथि गैया बेयाव थाना थानो हानाय आरो हायै थासारि फैयो, जेराव गोजोन थासारि गैया बेयाव सुबुंफोरा माबोरै थागोन। जेराव गोजोन थासारि दड'बेयावनो जौगाथाय दड' होन्नानै फोरमायनानै बेनि थाखायनो गोजोननि थाखाय दिनै समायखिरा लादों होन्नानै बुडे। बिथाड लोगोसे गासैबो थाखोनि सुबुंखौंनो बिटिसियाव लाबोनो हानाय गोजोन थासारिखौं अराय सम हमथाना लाखिलांनो खावलायो। बेनि अनगायैबो 17 बोसोर खुंथाय सामलायनाय हाग्रामा महिलारी एवा बिथांनि लोगोयारिफोर जौखौं जौगाथाय थासारिया मानो जायाखै होन्नानै सोंथि दैखानायनि जायखि–जाया जाहोन बिदिन्थि गैया, जॉसो बिसोरखौं फिन थोंजोडे मोनसे सोंथिखौं दैखानो हायो।

गुबुन फारसे बिपिएफनि गागि सोद्रोमा आरो आसाम सरकारनि बारा' मन्थ्रि चन्दन ब्रह्मआ इउपिपिएलआव हाबफैनायनि बाश्राया सावरायजानारयनि सोमोन्दै गाहाइ मावफुं सोद्रोमा बर'आ फिनजाथाय होनानै फोरमायदोंदि, जॉनि दोलोयाव साफ़्रोमबोनि थाखाय दरजाया गेवलां जानानै दड; बेनि थाखायनो चन्दन ब्रह्म एबा माखासे दैदेनगिरिफोर हाबफैनायाव जोंहा हेंथा गैया। बेनि सोमोन्दै जॉनि मिरु कमिटिजों सावरायनांगोन आरो सावरायलायनारयनि उनाव खौरं बिजॉनो फोरमायनाय जागोन होन्ना बिथाड बुडे।

दिनैनि जोबथा साननि 3 बोसोरारि फोर्बों खुंफुंनारयनि मोनफ़्रोमबो हाबाफारियाव बाहागो लानाय बिटिसिनि लेडइ गाहाइ मावफुं सोद्रोमा गबिन्द चन्द्र बसुमतारिया फिन फसंजानारयनिफ़्राय जानगराव थालानाय बाराग' एनडिएफबिनि सोमोन्दै बिथाडा गुबै एनडिएफबि केडारा सरकारनि फिन फसंफिन्नायखौं मोनगोन होन्ना रोखा खालामना होयो। नाथाय बे हाबाफारियाव माखासे सम लागोन होन्ना फोरमायनानै आथिखालाव 3 रोजानिबो बांसिन बाराग' एनडिएफबि केडारा सरकारनि फिन फसंफिन्नायखौं मोन्दों होन्ना बुडे। बिटिआर रादायाव मुंसाइगिरि आरो एनडिएफबिनि गायसनगिरि–आफादगिरि रन्जन दैमारिखौं आइननि गेजेरजों जोबथेसात्तिनिफ़्राय उदां खालामना लाबोनारयनि राहाखौं लाखिलांबाय थानाय जादों होन्नानै मिबथिहोयो। दिनैनि हाबाफारियाव बिटिआरनि गाहाइ मावफुं सोद्रोमा प्रमद बर', लेडइ गाहाइ मावफुं सोद्रोमा गबिन्द चन्द्र बसुमतारि, लेडइ बुंथिगिरि अबिराम महानायक, मावफुं सोद्रोमा रेव–रेवा नार्जारी, गौतम दास, ड़ निलुत स्वर्गियारि, दिगन्त बरुवा, धर्मनारायण दास, अरुप कुमार दे, एमएलए लरेन्से इस्लारिजों लोगोसे इउपिपिएल दोलोनि माखासे दैदेनगिरि–सोद्रोमा, बिजेपिनि कक्राइार जिल्ला आफादगिरि कबिता बसुमतारिजों लोगोसे मावफारिया–सोद्रोमाफोरा बाहागो लाफैगो।

### फेब्रुवारी दानाव हादतगिरि आरो हादतनि गाहाइ मन्थ्रिखौं आसाम दावबायफैनो गिबि मन्थ्रि शर्माआ हांखाइ हरदों

गिबि मन्थ्रिआ मिर्जिंथिदोंदि, गाहाइ मन्थ्रि आरो हादतगिरि सानेखौंबो खावलायनाय बायदियै फेब्रुवारी दानाव आसामाव दावबायफैनानै जौगानारयनि दावबायनायाव आगानसे मदत होफैगोन होन्नानै मिर्जिंथिदों। गिबि मन्थ्रिआ गोदान दिल्लीआव 5 साननि हाबाफारि लानानै दावबाय हैनाया दिनै जोबफैबाय। बिथाड दावबायहैनानै मिरुनि माखासे मन्थ्रिफोरखौं लोगो हमनायजों लोगोसे जर'खायै गाहाइ मन्थ्रि मदि, हादतगिरि द्रौपदि मुमुं आरो मिरुनि नख'र मन्थ्रि अमित शाहखौंबो लोगो हमो।

## सुनबारि प्रागति जातिय बिद्यालय बिफानआ खौरांगिरि मेल खुदों

खालामनारयनि अजदखौं नेवसिगारदों। जिउ गोमानाय फरायसुलि आरो फाहामथाय लाबाय थानाय सानै फरायसुलिफोरनि बिमा–बिफाफोर अजद होदोंदि, फरायसुलिफोरखौं गोसो–मेलेमारि उतखार खालामनायाव फरायसालि बिफानआ बेनि हेंथायै दिनै सुनबारि प्रागति जातिय बिद्यालयआव खुंनाय खौरांगिरि मेलनि गेजेरजों बिफानआ बेफोर अजदखौं नेवसिगारदों। फरायसुलि साथामखौं गोसो मेलेमारि उतखार खालामाखैमोन आरो फरायसालिनि बडंयाव अजद गोनां बाश्रा लिरनारयनि थाखाय फोरोंगिरिफोरा बिसोर साथाम फरायसुलिफोरखौं गोबाव सम बुजायदोंमोन होन्ना रोखा खालामना होदों खौरांगिरि मेलयाव सुनबारि प्रागति जातिय बिद्यालयनि गाहाइ फोरोंगिरि आजाहार उद्दिनआ। खौरांगिरि मेलयाव गाहाइ फोरोंगिरि आजाहारआ थाखो 7 आव फरायनाय साथाम फरायसुलिफोरनो रसायनारि हासार फानग्रा आरो गलादारफोर बिष गोनां एफ्फौं बुथारग्रा मुलियारि बेसादखौं फान्नाया मोजां जायाखै होन्ना मख'नानै दुखु फोरमायथिदों। मख'नो गोनांदि, बिष जानानै जिउ गोमानाय मिना रबि दासखौं गावनि जोनोम जायगा खाग्राबारियाव जोबथा बिदाय होनाय जाबाय। बिष जानाय गुबुन सानै फरायसुलिफोरा गुवाहाटीनि आयुरसुन्द्रा आरो एपल फाहामसालियाव आलादा–आलादायै दिनैबो फाहामथाय लाग़ासिनो दड।

## राजिव भवनाव टिकेट हारथारगिरिफोरनि हौंगो-दौंगो

सोलायै बरपेटा लकसभा बियाबयाव दोलोरारि बिजाथि महरै आर'ज थिसन्दों। कंग्रेसनि गागि दैदेनगिरि, बराग' मन्थ्रि आरो बाराग' एमपि, हंसारि तिलक गगैनि फिसाजो कृष्णा गगैआ जरहात लकसभा बियाबनिफ़्राय टिकेट हास्थायदों। नाथाय गौरब गगैआ जरहातनिफ़्राय बिसायड'थि गेलेयोब्ला गौरब गगैखौं हेफाजाब होनो साखा–फारा होन्ना कृष्णा गगैआ फोरमायदों। फारसेथं मंगलदै बियाबनि खेबनै एमपि जानाय माध्व राजर्बंसिआ दर–उदालगुरि बियाबयाव माहारियारि कंग्रेसनिफ़्राय टिकेट बिदों। माधब राजर्बंसिनि बायदियै, दर–उदालगुरि बियाबयाव आथिखालाव बिजेपिनि एमपि दिलिपि शइकियाखौं नागिरनानै मोन्नो थांतिया। फारसेथं, नगाव लकसभा बियाबयाव कंग्रेसनि टिकेट हास्थायदों दोलोनि सानै गागि दैदेनगिरि रकिबुल हुसेइन आरो एमपि प्रचुत बरदलैमोनहा। थानाय 11 डिसेम्बरनिफ़्राय जागायजेन्नाय आर'ज थिसन्नाय हाबाफारियाव आथिखालसिम सा 40 बिजाथि मोन्नो हास्थानाय दैदेनगिरिफोर आर'ज बिलाइ आजावदों आरो बिसोरनि गेजेराव सा 10 आ गाव–गावसोरनि आर'ज बिलाइखौं गथायबाय होन्नानै मिबथिनार्य जादों।

## नभाक जकभिच आरो आर्यना सभालेन्काआ आइटिएफ वर्ल्ड सेम्पियनसिपनि बिमुं देरहादों

वाशिंटन, 15 डिसेम्बर: इन्टरनेसनेल टैनिस् फेडारेसन नभाक जकभिच आरो आर्यना सभालेन्काआ सोलिफु सिजनआव खेबन्नैबो ग्रेन्डस्लेम टुर्नमिन्टनि संगैल्स केटेग़रिआव खमैब्लाबो सेमिफाइनालाव सौहै नारयनि थाखाय

इन्टरनेसनेल टैनिस् फेडारेसन (आइटिएफ) नि 2023 नि थाखाय फोसावनाय वर्ल्ड सेम्पियन बान्-थाजों मान होजादों। नभाक जकभिचआ रेकर्ड दाइनथि खेब एटिपि रेंकिं आव नम्बर 1 महरै

( 1 बिलाइनिफ़्राय )

***सरकारिबिथांखिजों 'कान्चनजंगा मोसौ फार्म' बेखेवदों***

हिमन्त बिरव शर्माआ आसामनि रंखान्थिखौं जौगाखां होनो थाखाय माखासे बिथांखि आजावना लादों। बेयो गिबि मन्थ्रनि आसामखौं सिगांलांहोनारयनि बिथांखि लानाय।' हाथिनापुराव दिनैनिफ़्राय जागायजेन्नाय कान्चनजंगा मोसौ फार्मनि गेजेरजों मोनसे रंखान्थियारि जौगाथायनि जांखिथाय सोंजिदों होन्नानैबो एमएलए तालुकदार बुडे। भबानिपुर अन्सलिक पन्चायतनि आफादगिरि बुद्धदेब पाटगिरिआ सामलायनाय बेखेवनाय हाबाफारिनि मेलयाव सरुपेटा रभिनउ सार्कैल बिबानगिरि चन्तष कुमार नाथआ माननि आलासि महरै बिबुंथि होनायजों लोगोसे कान्चनजंगा ससाइर्टिनि आफादगिरि मुनिन तालुकदार, जुनात फाहामगिरि दिलिप देब चौधुरी, हितेश पाठकमोनजों लोगोसे माखासे गागि आलासिफोरा बाहागो लाफैदों। मोसौ फार्मखौं बेखेवनाय हाबाफारिखौं लोब्बा लानानै जागायजेन्नायावनो धोरोमारि फुजा सिबिथाय हाबाफारिबो खुंनाय जादों।

***अरुणाचल प्रदेशआव कमला फोर्बों खुदों***

गोलाव बोसोरनिफ़्रायनो अरेन्ज फेस्टिभेलखौं खुंबोगासिनो थादों। जर'खायै जाय ओन्सोलाव कमलाखौं गोबां बिबाडव मोन्नाय जायो, जाय थावनिनि कमलाखौं मुलुग दरबाराव बेनि अन्साइनयाखौं बांहोनारयनि थांखिजों बे फेस्टिभेलखौं खुंनाय जायो। हादतनि गेजेरावनो बयनिखुइबो गोथावसिन कमला महरै मिबथिजानाय। अरुणाचलनि बे कमलानि फोर्बोंआ हादतजों लोगोसे गुबुन हादतनि दावबायारिफोरनि गोसोखौं बोनो हादों होन्नानै मिबथिनो मोन्नाय जादों। 14 निफ़्राय 19 डिसेम्बरसिम खुंनो गोनां बे कमला फोर्बोंआव अरुणाचलजों लोगोसे गुबुन गुबुन ओन्सोलनि सुबुंफोरबो बाहागो लाफैदों होन्नानै मिबथिनार्य जादों।

***गमुरा बिद्या निकेतन गोजौ फरायसालियाव गुबुन गुबुन हारिनि फोर्बों फालिदों***

भारतबर्षआ मोनसे समाइना भारत महर मोन्दों। बेबायदिनो हारिमु, कृष्टि, जौगाखानायजों आसामावबो गिबि मन्थ्रि ड़ हिमन्त बिरव शर्मानि प्लेनिं आरो माव बिथांखिनि गेजेरजों आसामखौं समाइना राइन्यो खालामनारयनि दाहार सोमजिखंहोदों। बे बाश्राखौं बुंथियो भबानिपुर बिधान सभा बियाबनि एमएलए फनिधर तालुकदारआ। दिनै भबानिपुर बिधान सभा बियाबनि सिडव थानाय गमुरा बिद्यानिकेतन गोजौ फरायसालियाव खुंनाय कमिउनिटि फेस्टिभेलनि हारिसुवारि हान्जा सुरनाय हाबाफारियाव बाहागो लानाने बे बेसेन गोसा बिबुंथिखौं लाखिनारयनि गेजेरजों गोजौआव मख'नाय बाश्राखौं बुंथियो। एमएलए तालुकदारआ गावनि बिबुंथियाव बुंबावोदि, जों बयबो समाजनि साफ़्रोमखौंबो सुबुं सम्पद महरै सोरजिनंगोन। बे बिथिडव फरायसा जिउनिफ़्रायनो फरा बिजाव फरायनारयनि अनगायैबो फारफ़्रोमबो बिथिडव खामानि मावनो हानाय बायदियै सोलोंथाइ लानानै सोलोंथाइ बिथिडव मोजां आरो गोखों बिथांखि लादों आसाम सरकारआ। मख'नो गोनांदि, गमुरा बिबिएमबि फरायसालिनि फोरोंगिरि कमल शर्मानि सामलायनायाव हान्जा सुरनाय हाबाफारिखौं बेखेवना होयो गमुरा बिद्यानिकेतन फरायसालि सामलायग्रा आफादनि आफादगिरि अरबिन्द बर्मन, बजाली ब्लक सोलोंथाइ खोन्दोनि बिआरपि प्रान्ति्त चौधुरि लोगोसे गोबां मेलेमजिबि आरो गुनि–गियारि सुबुंफोय माननि आलासि महरै नुजाथिफैदोंमोन।

***एसएसबि, पुलिस आरो हाग्रा बिफाननि जुथायै अपारेसन खालामनानै दफां हाखावग्रा मेसिन बोखादों***

जायगानिफ़्राय मोननै गिदित गिदित आइन बेरेखायै फसंनाय दफां मिलफोरजों लोगोसे गोबां बेसेन गोसा बाथाम हाखावनायफोरखौं हमनो हायो। फुंबिलि समाव बगामातिआव थानाय 24 नं. एसएसबि बेटेलियन आरो हाग्रा बिफानआ जयै अपारेसन खालामनानै तामुलपुर जिल्लानि लतिबारनि आहियाबारि गामियाव बे दफांनि मित्खौं हमो। बेनि उनाव तामुलपुर पुलिस आरो एनजिअ हान्जानि हेफाजाबाव हाग्रा रेखाथि हान्जया अपारेसन खालामनानै तामुलपुर जिल्लानि गुवालबिल गामिनिफ़्राय जागायजेन्नानै अपारेसन खालामनायाव मोननै दफां हाग्रा मेसिनखौं जब्द खालामनो हायो। मख'नो गोनांदि, खुंथाइनि मेगनआव हाद्रि सारनानै स्रोदयै आइन बेरेखा दफां फालांगिरिफोर दफां हाखावग्रा गायसन्नानै हाग्रानि दफांखौं हाखावनानै गुबुन जायगायाव दैथायहरनानै लाख–लाख रं आरजिगासिनो थाबोदों होन्नानै सुलुडव फोरमायथिदों।

***फैगौ 18 डिसेम्बराव हरिसिडानि रानिफुखिनि लुबुं गौमायाव बिटिआरनि गाहाइ मावफुं सोद्रोमाया बाहागो लाफैगोन***

बियाबनि रानिफुखियाव बिटिआरनि गाहाइ मावफुं सोद्रोमा प्रमद बर'आ बाहागो लाफैगोन। मख'नो गोनांदि, 17 बोसोरि नाडै हाग्रामा महिलारीआ सामलायनाय बिपिएफ सरकारनि समाव बायदिसिना जेंना–जेंसिजों मोगा–मोगि जानाय रानिफुखिनि माइन'रिटि सुबुंफोर मुखुब थानाय ओन्सोलफोराव गाहाइ मावफुं सोद्रोमा प्रमद बर'आ मोनसे गेदेर सुबुं गौमायाव बाहागो लाफैगोन। बेखौं लानानै 36 नं. हरिसिड गौथुमारि बियाबनि एमसिएलए सन्जय स्वर्गियारिआ गोखों साखा–फारा जादों। बेबायदिनो ब्लक प्राइमारिफोरबो बे मेलखौं जाफुंसार होनो साखा–फारा जादों। बे सानखालिनि हाबाफारियाव हरिसिड ब्लक इउपिपिएलनि आफादगिरि आरो नेहाथारिया राइजो–राजाफोरखौं बाहागो लाफैनो खावलायहरदों।

सिजनखौं फोजोबनो हादों। बिथाडा बे सिजनआव अस्ट्रेलियान अपेन, फ्रान्स अपेन आरो आमेरिकान अपेननि बिमुं देरहानानै गावनि गासै ग्रेन्डस्लेम बिमुं देरहानारयनि अन्जिमाखौं मोन 24 सिम आवगायहोदों। जकभिचआ उइम्बल्डनआवबो रानार्सआप जानो हादोंमोन। जकभिचआ 8 थि खेब आइटिएफ वर्ल्डसेम्पियननि बान्था देरहानायजों जारिमिन सोरजिदों।सभालेन्काआ गिबि खेब बे बान्थाखौं देरहादों। बिथाडा सोलिफु बोसोराव अस्ट्रेलियान अपेनआव गावनि गिबि ग्रेन्डस्लेम बिमुंखौं देरहानो

( 1 बिलाइनिफ़्राय )

***एमसिएलए बिजितगोरा नार्जारिआ सा 52 गोरिब आइजोफोरनो दख'ना रान्नानै होदों***

अनफावरि आरखुथाइखौं दिन्थिदों बिटिआरनि एमसिएलए बिजितगोरा नार्जारिआ। दारांगजुलि बियाबनि पाटकिजुलियाव थानाय 1 नं खोला कुमारिकाटा भिसिडिडिसिनि मावखुलियाव दिनै पाटकिजुलि ओन्सोलनि दुखुथिया आइजोफोरनो दख'नाखौं रान्नानै होदों। बे दख'ना रान्नाय समाव एमसिएलए बिजितगोरा नार्जारिजों लोगोसे 1 नं खोला कुमारिकाटा भिसिडिडिसिनि सियारमेन आजेस गयारि बिथांमोना बाहागो लानानै रान्नानै होयो। दख'ना मोन्नाय अइजोफोरा गोजोन्नायजों एमसिएलए बिजितगोरा नार्जारिनिसम साबायख'र जासादों।

***बिटिआराव अरायथा गोजोन थासारि सोमजिबाय: प्रमद बर'***

होदों। दिनै कक्राइार जिल्लानि 6 नं. कचुगाव गौथुमारि बियाबनि रायखुनबारि गेलेग्रा फोथाराव खुंनाय इउपिपिएल दोलोयाव हाबफैनाय मेलयाव प्रमद बर'आ गाहाइ आलासि महरै बाहागो लाफैनानै आरोबाव बुंदोंदि, बिटिआरआव गोजोन, खौंसेथि, रेखाथि आरो खौंसेयै जौगानारयनि थांखिजों 2015 माइथायाव इउपिपिएल दोलोआ जोनोम जादोंमोन। इउपिपिएल दोलोआ बिटिआरनि खुंथाय सामलायनो बिबान मोन्नाय लोगो–लोगो बिटिआरनि थागिरि राइजो–राजाफोरा गोजोन, रेखाथि, जौगाथाय मोन्नो हादों। लोगोसे गुबुन गुबुन हारि–हारिसाफोरनि गेजेराव गोमालानो लानाय गोरोबलायनारयनि थासारिया फैफिन्दों। बिटिआरआव जायफोरा गोहो–बोलो दिन्थिदोंमोन बिसोरनि गोहो–बोलोआ आथिखालाव जोबलांबाय। दिनै बिटिसिआव हारियारि, हिंसा, दावरव–दावसिया गयै जाबाय। बर'आ आरोबाव बुंदोंदि, बिटिआरनि 72 रोजा बिघा हानि पाट्टाखौं गथायनाय जाबाय, 1200 कि:मि:लामाखौं पाक्का खालामनाय जाबाय, दालां लुनाय जाबाय, आइजोफोरखौं जौगाखंहोनो थाखाय गावसुंथा आफादफोरनो 75 रोजा राडै अन्सुंथाय गथायनाय, फरायसालिनि न' लुफामफिन्नायजों लोगोसे अन्साय बिथांखि, ज्ञानसोरं बिथांखिजों लोगोसे गुबुन गुबुन बिथांखिफोरखौं आजावना लानाय जादों। प्रधान मन्थ्रि आवास यजना न'नि खामानिया 80 जौखोन्दो आबुं जाबाय। बिटिआरआव गोजोन थासारि फैनायनि ओंथिया जौगाथायनि थासारि सौफैबाय। बिटिआर सरकारआ 3 बोसोराव बिटिआराव जेसेबां जौगाखांबाय– बिपिएफनि खुंथाय समाव लुथिनाय रेकर्ड सोंजिदोंमोन। बिटिआराव गोबां सोलायथाय फैदोंब्लाबो नाथाय बेरेखा दोलोआ इउपिपिएल दोलोखौं सोंखाखिबायसो थादों, राइजो–राजाफोरा बेनि रोखा फिन्नाय होगोन। फैगौ सानफोराव राइजो–राजाफोरा गुबैयै इउपिपिएलजों थानानै जौगाथायनि मोनसे गुथालखौं सोलिहोलांबाय थागोन होन्ना बर'आ गावनि बिबुंथियाव मख'दें। इउपिपिएल दोलोनि नेहाथारि समनाथ बसुमतारिया सामलायनायाव खुंनाय गेदेर हाबफैनाय हाबाफारिनि उनाव इउपिपिएल दोलोनि मिरु गाहाइ नेहाथारि राजु नार्जारीआ बाहागो लाफैनानै बुंदोंदि, बिपिएफनि आफादगिरि हाग्रामा महिलारीआ मेल, आफादायाव प्रमद बर' हाथाव, बिटिसि बासाव स्ल'गान होयो। बिपिएफआ बे स्ल'गानखौं जेसेबां होगोन एसेबांनो हाग्रामाथा बिटिसिनिफ़्राय जानगराव थानांगोन। बे स्ल'गानखौं कंग्रेसनि रहलु गान्धीनिफ़्राय सोलोनाय। रहलु गान्धीआ जैरेबायदि बुडे। – मदि हाथाव, देश बासाव, हाग्रामायाबो आथिखालाव बेबायदिनो थासारि लाबोदों आरो कंग्रेस बादिनो बिपिएफआबो बिटिसिनिफ़्राय गोमालानो हमदों। दिनैनि हाबफैनाय मेलयाव एमएलए जिरन बसुमतारि, मावफुं सोद्रोमा उकिल लुसाहारि, उड्लसन हासदा, निलुत स्वर्गियारिमोनजों लोगोसे माखासे गागि दैदेनगिरिफोरा बाहागो लाफैदों। मख'नो गोनांदि, मेलयाव आदिबासि ड्रगन फाइटर, एनएलएफबि, नासला, आनलाजों लोगोसे माखासे हाथियार गथायनाय आफादफोरनि सा 1,120 बाराग' दैदेनगिरि–सोद्रोमाफोरनि अनगायैबो बिपिएफनि सा 115 सोद्रोमाफोर इउपिपिएल दोलोयाव हाबाफारि बायदियै हाबफैयो।

***गसाइगावआव आइजो फुटबल लीगआ जागायबाय***

बेखेवजेन्नाय मेचआव गुवाहाटीनि उदयन कृष्टि संघआ 1–0 गलआव मरिगावनि लुइटपरिया एफसिखौं फेजेन्नो हायो। मख'नो गोनांदि, मेचनि गिबि हाफआव मोनसे पेनाल्टिनि खाबु मोन्दोंब्लाबो गल खालामनो हायाखै। नाथाय मेचनि जोबथा 6 मिनिटआव फिन खेबसेबाव पेनाल्टिनि खाबु मोन्नायाव 1 गल सोनो हानानै गुवाहाटीनि उदयन कृष्टि संघआ बादायलायनायाव देरहासार जानो हायो। मख'नो गोनांदि, मोननैबो टीमआ बे मेचआव मोजाडै गेलेनानै दिन्थिफुंनो हादोंमोन। आसाम फुटबल एससिएसननि फिरफिलाखौं बिरहोनानै मेचखौं बेखेवना होयो आफादनि बाराग' आफादगिरि हेमेन्द्र नाथ ब्रह्मआ आरो गसाइगाव जिल्ला गेलेमु आफादनि फिरफिलाखौं बिरहोयो नेहाथारि रहिन्द्र ब्रह्मआ। दिनैनि मेचखौं सामलायदोंमोन नबजित बसुमतारि, रिजु कुमार नाथ, सोमदोन बसुमतारि आरो कामिनि दैमारिआ। दिनैनि बे बादायलायनाय मेचआव रेफारि महरै दंमोन बिस्वजित नार्जारि आरो मेच कमिसनार महरै जुलियास बसुमतारिमोनजों लोगोसे फुटबल एससिएसननि माखासे मावख'गोरा आरो गोबां राइन्योआरि आरो माहारियारि थाखोनि गेलेगिरिफोरा बाहागो लाफैदोंमोन।

***सा–ढेकियाजुलि दख'रा एबसुनि खुंगा 16थि बोसोरारि जथुम्मा खुदों***

फुंबिलि समाव आफादनि फिरफिलाखौं बिरहोनाय, मुंख्ळंफोरनो मान बाउनाय बायदि हाबाफारि जोबनारयनि उनाव सानजौफु समाव थान्दै मेल, गेवलां मेल खुंनाय जायो। दख'रा आफादनि बुंथिगिरि आरो दिनैनि थान्दै मेलनि आफादगिरि अनसुमा ब्रह्मआ मासि लानानै दैदेनाय थान्दै मेलखौं बेखेवनानै होयो सनितपुर जिल्ला दुलाराय बर' फरायसा आफादनि आफादगिरि जित स्वर्गियारिआ। हाबाफारियाव हांखायनाय बायदियै गाहाइ बुंथिगिरि महरै बाहागो लायो दुलाराय बर' फरायसा आफादनि बुंथिगिरि अबित नार्जारिआ। गाहाइ बुंथिगिरि महरै बाहागो लानानै बिथाड गावनि बिबुंथियाव बिटिआरनि दफा मावफुंनाय, बिटिआर गोरोबथानि 3.1 दफानि गेजेरजों गामि सोसन्नाय, 5.3 दफानि गेजेरजों सनितपुर आरो बिस्वनात जिल्लानि हानि जेंना सुखानाय, 6.3 दफा बादियै फरायसालिनि जेंना सुखानाय आरो समाजनि थासारिनि सायाव गुवारै बिबुंथि लाखिनानै बिटिआरनि गोदान ओन्सोल सनितपुर आरो बिस्वनात जिल्लायाव गासै दर 5 समस्टिफोरा गोदानै सोरजिजागोन होननानै गावनि बिबुंथियाव दाजाबदरनानै बुडे। मेलाव बुंथिगिरि महरै बाहागो लाबायो सनितपुर जिल्ला एफआरसिनि आफादगिरि फैलाउ खुंगुर ब्रह्म आरो बर' थुनलाइ आफादनि गाहाइ नेहाथारि कमल कुमार मोसाहारिआ। थान्दै मेलआव सनितपुर जिल्ला एबसुनिफ़्राय बाहागो लाबावो फारियै– स्लोगो गाहाइ नेहाथारि फोरमायग्रा बसुमतारि, नेहाथारि रमेन बसुमतारि, लोगो बुंथिगिरि आदिम स्वर्गियारि, लोगो थुनलाइयारि नेहाथारि सिमांसा बसुमतारि, सनितपुर जिल्ला बर' गुदि फोरोंगिरि गौथुमनि गाहाइ नेहाथारि सनेस्वर ब्रह्मजों लोगोसे बाराग' एबसुनि दैदेनगिरिफोर, ओन्सोलनि सानसुमैफोर, फोरोंगिरिफोर, फरायसाफोर आरो दर 118 गामिनि थान्दैफोरनि बाहागो लानायजों थान्दै मेलआ मोजाडै:मोजां जोबलाडे।

## दिपीका पादुकणआ फाइटरनि रिलिजनि सिगां तिरुपति बालाजीनि बोर लाहैदों

फावखुंग्रि दिपीका पादुकणआ बे बोसोराव मोनै सुपारहित सावथुन होदोंमोन आरो बेनि थाखाय गावनि फैनो गोनां सावथुन 'फाइटर' नि बागै सावरायगासिनो दड। सावथुनखौ फोसावनायनि सिगां फावखुंग्रिया गावनि नख 'रजों लो गोसे तिरुपति बालाजी थानसालियाव थादों। दिपीका पादुकणआ गावनि बिमा-बिफा आरो बिनानावजों लो गोसे तिरुपति बालाजी प्लेसआव थाडे। फावखुंग्रिखौ एएनआइजों फोसावनायनि भिडिअआव नुनो मोन्नाय जादोंमोन। बिथाड गावनि



नख 'रजों मोनसे जायगायाव थायोमोन। बे समाव दिपीका पादुकणआ मोनसे दोरोडरि महराव नुजादोंमोन। बिथाड मोनसे बेज गावनि हारियारि खसाब गान्दोंमोन। दिपीका पादुकणखौ जेब्लाबो चान्दनि खेरा, खानाइन बन आरो

खोमायाव गोजा गाबनि चारिआव जोबोद समायना नुदोंमोन। दिपीकानि बे भिडिअआ सशेल मिडियाआव गोबां भाइरेल जागासिनो। दिपीका पादुकणनि सावथुन 'फाइटर' 'शेर खुल गए' नि गिबि मेथाइया दिने रिलिज

जाबाय। बे पार्टी मेथाइयाव ऋतिक आरो दिपीकानि सोमोनांथाव केमिस्ट्रीखौ नुनो मोन्नाय जादों। ऋतिक आरो दिपीकाया मेथाइयाव जोबोद मोजां मोसानाय दिन्धिनानै अनसायगिरिफोरनि गोसोखौ जै खालामदों आरो मेथाइनि आबु भिडिअखौ नेगासिनो दड। सिद्धाथ आनन्दजों दिथाहोजानाय 'फाइटर' आ

सुबुखाथि साननि सानसे सिगां 25 जानुवारी 2024 खालि सिनेमाहलफोराव फैगोन। दिपीका, ऋतिक आरो करण सिंह ग्रेवरआ हादर अनफावरिजों बुंफबनाय सावथुनाव स्काइडून लिदारनि फाव खालामदों आरो अनिल कापुरखौ सासे कमान्डिअफिसार महरै नुनो मोन्नाय जागोन।

## अर्जुन कापुरआ मालाइकाजों सोमोन्दोनि बागै फोरमायदों



आदित्य रय कपुर आरो अर्जुन कापुरआ कपि विद करण 8 नि 8थि एपिसडआव ब्रामान्सजों सौफेदोंमोन। सानैबो गावसोरनि गावनि जिउनि बाश्रा रायज्जालायनायजों काउचखौ दुहाव थासारि सोमजिहोदोंमोन। सानैबो करण जौहरनि मोनफ्राम गोब्राब आरो फान्दायनाय सोंथनि फिन्नाय होदों। मख 'नो गोनांदि, आथिखालाव बिसोर सानैनिबो मोजां मोनलायनाय जिउआ माबोरै सोलिगासिनो दड होन्ना करण जौहरनि सोंलु सोंनायाव उनफिनना थायाखैमोन। करण जौहरआ मालाइका एरराजों अर्जुन कापुरनि सोमोन्दोनि बागै गोबां सोंलु सोंदोंमोन। सानैनि गेजेराव गोरोबलायनायखौ नुनानै बिथाड जुलिन सोमोन्दै सोंथि खालामदोंमोन। बे सोंथिखौ खोनानै अर्जुनआ एसे असुबिदा जादोंमोन नाथाय बिथाड बे सोंथिनि फिन्नायखौ जोबोर सांग्रिथिजों होदोंमोन। एपिसडनि समाव स्वनि हस्ट करण जौहरआ अर्जुननाय सोंदोंमोनि, बिथाड मालाइकाजों गावनि सोमोन्दोखौ थाबैनो उननि थाखोआव लानो माबाफोर सानथाखि दडनामा। बेनि सोमोन्दै सावरायनायव अर्जुन कापुरआ रोखा खालामदोंदि, बिथाड बे सोंथिनि फिन्नायखौ हारसिडेहोने हाया। बे सोंथिनि फिन्नायाव बिथानि अनजालि बिसि मालाइका एररायाबो समान बाहागो लानांगो। बेनि सायाव फिनजाथाय होनानै फावखुंग्रिआ बुंदोंमोनि, आं सानो बे समाव आरो आं नोंथानि स्वआव फैनो आरो बेनि बागै सैथो जानो मोजां मोनो। आं सानो बेयो आंनि जिउनि बाहागो, आं बेखौ बेबादि लानो लुबैदों जेरै बे सोंथिखौ सोंनाय जादों। बेयो बयनिखुइबो गोनांसिन बाश्रा जागोन। जेब्ला बै थाखोआव सौहैगोन अब्ला जों फैगोन आरो बेनि सोमोन्दै जयै रायज्जालायगोन। बे बाश्रानि सोमोन्दै जुनियारै रायज्जालायनो लुबैया आरो आं सानो बेनि सोमोन्दै हारसिडे रायज्जालायनाया सोमोन्दोनि थाखाय आरजाथाव नड। दासिम सानि देअल-बबि देअल, रणबि सिंह-दीपिका पादुकण, करिना कापुर-आलिया भाट्ट, भरुण धवन आरो सिद्धार्थ मल्हत्रा, काजल-रानी मुखर्जी, कियारा आडवाणी-भिक्की कौशल, सारा अलि खान आरो अनन्या पान्डेखौ 'कपि विद करण' आव नुनो मोन्नाय जादों। बे एपिसडआव अर्जुन कापुर आरो आदित्य रय कापुरखौ 'कपि विद करण' नि स्वआव नुनो मोनगोन।

## श्रेयस तलपड़ेआ हार्ट एटेकनि सिगां मोनसे खामानि मावदोंमोन



तलपड़ेखौ अक्षय कुमार, अरशद वारसी आरो तुषार कापुरजों लो गोसे गुबुन स्टार कास्टफोरजों नुनो मोन्नाय जादों। बिथाड थोंजोडै गसंगासिनो दडमोन आरो फैगौ शुटनि थाखाय थियारि जाबाय थानाय समाव सावरायगासिनो थानायखौ नुनो मोनो। बेबादि थासारियाव हरखाबै हार्ट एटाकआ फावखुंग्रिनायाव सोमजिखाडे। श्रेयस तलपड़ेआ बलिउड आरो माराठी सावथुननिबो सासे गिदिर जाफुंसारनाय। श्रेयसआ थानाय गोबां जिथायनिफाय रंजानायनि बिथिखव सांग्रं जानानै दड। बिथाड इकबाल, अपना सपना मने मने, अम शांति अम, गोलमाल रिटर्नस, गलमाल 3, हाउसफुल 2 आरो गलमाल एगेन बायदि सावथुनफोराव फाव खालामदों। बेनि अनगायैबो बिथाड सासे गिदिर डबिंग आर्टिस्टबो। बिथाड हलिउड सावथुन 'दा लायन किंग' आरो बलिउड सावथुन 'पुष्पा' आवबो गावनि गारां होदोंमोन। श्रेयसनि बे जाब्रबथायनि खौरानि उनाव बिथानि अनसायगिरिफोरा सशेल मिडियाआव बिथानि मोजांनि थाखाय आर 'ज गाबदों।

बलिउडनि फावखुंग्रि श्रेयस तलपड़ेआ गावनि गोखों फाव खालामनायनि थाखाय मिथिजायो। श्रेयस तलपड़ेआ मोनफ्रामबो फावखौ गोसोखांथाव खालामनो हादोंमोन। 'इकबाल' आव बिथाड जेबो रायज्जालायजासे गावनि फावदिन्धिनयानि आखुआव खामानि मावदोंमोन। गोब्राब फावनि अनगायैबो बिथानि कामिक टाइमिंगआबो सोमोनांथाव। मख 'जाथावदि, बिथानि कामिक सेन्सनि थाखाय फावखुंग्रिखौ कमेडि फ्रेंचाइजी 'वेलकाम टु जंगल' आव अक्षय कुमारजों लो गोसे नुनो मोनगोन। बिथाड बे माल्टी-स्टार सावथुनआव फाव खालामनो थाखाय थियारि जादों आरो फावखुंग्रिआ बे शुटियाव नांथाबनानै दड। बे समावनो बिथानि सावसिनि मोनसे गाज्रि खौरां ओंखारदों आरो फावखुंग्रिनि हार्ट एटेकनि खौरां आ जेरावबो गोसारदों। बे

गिखंथाव जाब्रबथाया बै समाव जादोंमोन, जेब्ला श्रेयस तलपड़ेआ शुटिनिफ्राय न'आव सौहैदोंमोन। थासारिया ओरैबादि गाज्रि जादोंमोनि, बिथाड बेहुश जादोंमोन। बेनि उनाव बिथानि बिसि दीपिता हाखु-दाखुयै बिथानि खथिनि देहा फाहामसालियाव थिसनहैदोंमोन। देहा फाहामसालि सौहैनायनि दान्दिसे उनावनो फावखुंग्रिखौ एंजियोप्लास्टी खालामनाय जादोंमोन, जायनि उनाव बिथानि हालोदआ दिदोमे दड होन्ना बुंनाय जादों। बिथाड आथिखालाव देहा फाहामसालियाव फाहामथाय लागासिनो दड। बे समावनो बिथानि मोनसे भिडिअआ सोराडव फैदों। बे भिडिअआ 'वेलकाम टु जंगल' नि सेटनि समाव फावखुंग्रिआ गावनि मोनसे नुथायखौ सेबखानो थियारि खालामगासिनो दंमोन। भिडिअआव फावखुंग्रि श्रेयस

## कपिल शर्मा स्वनि सुगंधा मिश्राया सासे फिसाजो जोनोम होबाय

मुंदांखा फे स्ला फावखुंग्रि सुगंधा मिश्रा आरो डा. संकेत भोसलेनि न'आ खुसिजों बुंफबदों। 35 बोसोर बैसोनि सुगंधाया बावैसो सासे फिसा एन्जेलखौ जोनोम होदों। बे खौरांखौ सुगंधा आरो बिथानि फिसाइया गावनो सशेल मिडियानि गेजेरजों फोसावदों। सानैबो इन्स्टायाव मोनसे भिडिअ शेरार खालामदों, जेराव बिथांमोनहा फे न्स फोर नो गावसोरनि फिसा एन्जेलनि मोनसे नुथाय दिन्धिनो। सुगंधा मिश्रा आरो डा. संकेत भोसलेया इन्स्टाग्रामआव देहा फाहामसालिनिफ्राय मोनसे भिडिअ शेरार खालामो आरो अनसायगिरिफोरनो मोजां खौरां होयो। बिसोरनि न'आव सासे फिसा एन्जेलआ फैदों। भिडिअआव संकेतखौ जोबोद खुसि नुनो मोन्दों आरो बिथाड बुडेदि, आं सासे बिफा जाबाय। बिनि उनाव बिथाड देहा



फाहामसालियाव बिसनायाव गोर्लैना थानाय गावनि बिसि सुगंधानि फारसे भिडिअ खालामो आरो बुडेदि, बियो सासे बिमा जाबाय। बेनि उनाव सुगंधा आरो संकेतआ गावसोरनि फिसाजोनि मोनसे नुथायबो दिन्धियो। बे समाव बिथामोनहा गावसोरनि फिसाजोनि मोखांखौ दिन्धियाखै जायनि उनाव अनसायगिरिफोरा गावसोरनि फिसाजोनि मोनसे नुथायखौ नायनो थाखाय गोसो गुदु जादों। बे भिडिअखौ शेरार खालामनानै जराया केशनआव लिरदोंदि, युनिवर्सआ जोंखौ बयनिखुइबो समायनासिन आरो

सोमोनांथाव जोंनि मोजां मोनलायनायनि नेरसनजों बोर होदों। बे समावनो अनसायगिरिफोर आरो सेलेब्रिटिफोरा जरांनि बे भिडिअआव कमेन्ट खालामदों आरो सानैखौबो बिमा-बिफा जानायनि थाखाय बरायदों। सुगंधा मिश्राया कमेडि स्व'दा

कपिल शर्मा स्वनिफ्राय मुंदांखा जानो हादोंमोन। कमिडिनि अनगायैबो सुगंधाया सासे मोजां रोजाबगिरीबो, जाय सारे गा मा पानि फैसालियाव गावनि गारांनि जादुखौबो दिन्धिनो हादों। 2021 मायथाइयाव सुगन्धा मिश्राया कमेडियान संकेत भोसलेजों जुलि जादोंमोन।

## आमिर खानआ थियेटारफोराव फैफिन्नो साखा-फारा जादों

2023 मायथाइयाव शाहरुख खानआ बक्स अफिसआव गोबां जाफुंसारदों। पठान आरो जवाननि उनाव किंग खानआ बोसोरनि जोबनायाव सावथुन डंकीजों फैगासिनो। बेजों लो गोसे, फैबाय थानाय बोसोरा नैथि खान आमिरनि मुं जानो थांगासिनो दड। लाल सिंह चड्ढानि फेलें जानायनि उनाव आमिर खानआ मोनसे गोलाव ब्रेकआव थादोंमोन। 2023 मायथाइयाव बिथाड सासे

फावखुंग्रि महरै मोनसेबो सावथुनआव फाव खालामाखैमोन। बेजों लो गोसे आमिर खानआ बे ब्रेकखौ फोजोबनानै फाव खालामनो थांखि लादों। फावखुंग्रिआ जानुवारीनिफ्राय गावनि फैगौ मावथांखिनि सेबखानायखौ जागायजेगोन। आमिर खानआ बे खेबाव दिथागिरि आरएस प्रसन्नजों खामानि मावनो थांगासिनो। मिड डेनि खौरानि बायदिब्ला, फावखुंग्रिआ 29 जानुवारी 2023 मायथाइनिफ्राय

फावखुंग्रि महरै मोनसेबो सावथुनआव फाव खालामाखैमोन। बेजों लो गोसे आमिर खानआ बे ब्रेकखौ फोजोबनानै फाव खालामनो थांखि लादों। फावखुंग्रिआ जानुवारीनिफ्राय गावनि फैगौ मावथांखिनि सेबखानायखौ जागायजेगोन। आमिर खानआ बे खेबाव दिथागिरि आरएस प्रसन्नजों खामानि मावनो थांगासिनो। मिड डेनि खौरानि बायदिब्ला, फावखुंग्रिआ 29 जानुवारी 2023 मायथाइनिफ्राय

फावखुंग्रि महरै मोनसेबो सावथुनआव फाव खालामाखैमोन। बेजों लो गोसे आमिर खानआ बे ब्रेकखौ फोजोबनानै फाव खालामनो थांखि लादों। फावखुंग्रिआ जानुवारीनिफ्राय गावनि फैगौ मावथांखिनि सेबखानायखौ जागायजेगोन। आमिर खानआ बे खेबाव दिथागिरि आरएस प्रसन्नजों खामानि मावनो थांगासिनो। मिड डेनि खौरानि बायदिब्ला, फावखुंग्रिआ 29 जानुवारी 2023 मायथाइनिफ्राय



सावथुननि शुटिखौ जागायगोन। गिबि समफारिआ मुम्बाइआव जागोन आरो नैथि समफारिआ आउट स्टेशन थावनियाव

## गाहाम देहानि राहा

### बबे भिटांमिननि आंखाला गिनाय सोमजि होयो बेखौ बिबथिना ला, नडब्ला जेब्लाबो जिंगायाव थानांगोन

देहायाव माखासे भिटांमिनफोर गैयैआव जिंगासिनाय आरो गिखंथाव गाग्लोबनायनि जाहोन जायो। नोंथाड सानगोनदि, बेयो माबोरै जायो, जों मिथिगोदि माखासे भिटांमिनफोरा जेब्लाबो मेलेमनि थाखाय जुनिया महरै खामानि मावो, जेराव बेफोर नोंथानि मेलेमनि खामानियाव गोहोम खोखैयैयो आरो बेफोर नोंथानि सानो हानाय गोहोआवबो मोनसे गिदिर बिफाव लायो। बेनि अनगायैबो, बेयो नोंथानि हार्मोनल सावसिखौबो गोहोम खोखैयैयो, जाय गोसोबायनाय गोबां जेनाफोर सोमजिहोने हागौ। नाथाय, नोजोर होने गोनां बाश्राया बेदि बेफोर गासैबो जायखिजाया मोनसे भिटांमिनजों सोमोन्दो गोनां जायो। बेयो मा आरो बेयो बेफोर जिरादफोरखौ माबोरै गोहोम खोखैयैयो हागौ (भिटांमिननि आंखाल, जिंगासिनाय आरो गिखंथाव गाग्लोबनाय)। भिटांमिन डि 3 नि आंखाल गोनां सुबुफोरा बांसिन नाभास जायो। मानोना बेयो मोनसे भिटांमिन जाय गोसोआरि सावसिखौ साबसिन खालामनायाव गोथो



बिफाव लायो। गुबैयै, भिटांमिन डिआ मेलेमाव मोनसे निउर'-स्टेरयड केमिकल बायदि खामानि मावो आरो जिंगासिनाय आरो गोसो बायनाय बायदि थासारिफोरखौ सामलायनायाव मदद होने हागौ। जेब्ला बेनि आंखाल जायो, अब्ला सिजफ्रेनिया, गोसोबायनाय आरो बोथोरारि गोहोम गोनां बेरामनि खैफोदआ बाडे। बेयो सुबुफोरनि गेजेराव जिंगासिनाय आरो गिनाय सोमजिहोयो। लो गोसे, मानसिफोरा उन्दुनायजों सोमोन्दो थानाय जेनाफोरजों मोगा-मोगि जानो हामो। भिटांमिन डिनि आंखालनि जाहोनाव बेफोर जेनाफोरनिफ्राय बारग'नो थाखाय नोंथाड बेफोर आदबफोरखौ लानो हायो।

बिदिन्धि बायदिदियै, फुंनि सानुडव जिरायनो जागायजेन, गावनि आदाराव भिटांमिन डि 3 जों बुंफबनाय बेसादफोरनि बिबांखौ बांहोनाय, दावदै जानाय, गायखेर लोंनाय, बादाम आरो गुबुन गोरान फिथाइफोर जानायजों भिटांमिन डि 3 नि आंखालआ जानगार जायो। भिटांमिन डि-3 नि आंखालनिफ्राय गोजानाव थानाया गाहाम मानोना बेयो नोंथानि सावसिखौ गाज्रियैनो गोहोम खोखैयैयो हागौ। बेनिखायनो, जुदि नोंथाड जोबोद दुखु मोन्दों, गोसो बायदोंब्ला एबा नोंथाड गोबां मुडनि सोलाय-सोल' जागासिनो दड अब्ला नोंथाड नोंथानि आदाराव भिटांमिन डि 3 नि बिबांखौ बांहोनागौ।

## अन्सायगिरिफोरा रितेश-जेनेलियानि रिलखौ सशेल मिडियानिफ्राय बोखारनो बोसोन होदों

रितेश देशमुख आरो जेनेलिया डिसुजाया बलिउडनि बयजोंबो मोजां मोनजानाय जराफोरनि गेजेराव मोनसे। गोबां बोसोरसिम सानैजों डेटि खालामखानायनि उनाव बिसोर सानैबो 2012 मायथाइयाव जुलि जायो। जेनेलिया आरो रितेशआ सशेल मिडियाआव अनसायगिरिफोरनि मोजां मोनजासिनाय। जेब्लानो 'वेड' फावखुंग्रिआ मोनसे रिल बानायो अब्ला बिसोर लोख-लोख अनसायनाय मोनो आरो अनसायगिरिफोरनि मोखाडव मिनिनायबो लाबोयो। नाथाय दा बावैसो जेनेलिया आरो रितेश देशमुखनि मोनसे रिलआ इन्टरनेटआव गोसारगासिनो दड, जायखौ बिसोरनि अनसायगिरिफोरा मोजां मोनाखै। फेन्सफोरा बिथानि बे रिलखौ थाबैनो बोखारनो खावलायदों। रितेश देशमुख आरो जेनेलिया डिसुजाया गोबाव समनि उनाव गावनि बिसि जेनेलियाजों मोनसे रिल सेयार खालामदोंमोन, जाय इन्स्टाग्रामआव 6.4 मिलियननि बांसिन नायजादों।



बे भिडिअआव 'हाउसफुल' नि फावखुंग्रिआ ज'खायनाय गावनि बिसिनो बुडेदि, राजा दशरथआ साथाम बिसिफोर दडमोन, आंबो साथामखौ हावा खालामनो हायो, जायनि फिन्नायाव जेनेलियाया गोछेनो द्रौपदीनि बिदिन्धि होनानै महर होयो। बे भिडिअखौ नायखानायनि उनाव माखासे सुबुफोरा सशेल मिडियाआव सुबुफोरा गावसोरनि मिनिनायखौ लाखिनो हायाखै। बेनिखायनो माखासे इउजारफोरा सानैनिबो बे रिलखौ हिन्दु धोरोरमखौ जंखायनाय महरै बानायदों होन्ना बुंदों। रितेश देशमुख आरो जेनेलिया डिसुजानि बे रिलखौ नुनानै कमेन्ट

बक्सआव माखासे सुबुफोरा बिथामोनखौ 'किंग दशरथ' आरो 'द्रौपदी' आव जंखायनायनि थाखाय गोबां फोरमायगासिनो दड। सासे इउजारआ लिरदोंदि, नोंथाड मोनसे बिदिन्धि होदों नाथाय नोंथानाव राजा दशरथ आरो नोंथानि बिसिनाव द्रौपदीनि गुनफोर दड नामा? अन्नानै मिनिनायनि थाखाय बेबादि गोथार मुंफोरखौ दाबाहाय। गुबुन सासे इउजारआ लिरदों, अन्नानै सनातननि सायाव फेस्ला खालामनायखौ बन्द' खालाम, नडब्ला नोंथाडबो बयकटनि मुंखौ खोनादोंमोन जानांगौ। गुबुन सासे इउजारआ लिरबावदोंदि, हिन्दु धोरोरमनि सायाव बेबादि फेस्ला भिडिअ दाखालाम सार, जों नोंथांखौ जोबोद मान होयो।

खामानिखौ फोजोबनायाव नांथाबनानै दड जाहाथे सावथुनआ 29 जानुवारीसिम प्ल 'र'आव थांनो हायो। बे सावथुनआ 2018 माइथायनि स्पेनिश सावथुन सेम्पियन्सनि मावख 'आरि सोलायनाय। आमिर खाननि मावथांखिनि सोमोन्दै सुलुड बुंदों, प्रसन्नाया सावथुनखौ प्ल 'र'आव लाबोनो थाखाय गोबाव समनिफ्रायनो नेगासिनो दंमोन। स्क्रिप्टखौ जेरै बानायनाय जादों बेजों आमिरआ खुसि। हान्जानि

जागोन। आमिर खाननि मावथांखिनि खामानिया गोखै सोलिगासिनो दड। सावथुननि हान्जाया प्री-प्रडक्शननि

# रसियानि गाग्लोबनायजों सिलिंखार जानाय इउक्रेनआ इउरपियान इउनियनाव जायगा मोन्नायनि लामायावसै

ब्रुसेल्स, 15 डिसेम्बर : इउरपीय दैदेनगिरिफोर इउक्रेन आरो मलडभाजों लोगोसे इउरपीयान इउनियननि सोद्रोमायारि जथुम्माखौ जागायनो आरो जर्जियाखौ बिजाथिनि मान थाखो होनो थाखाय थांखि लाबाय। इउक्रे ननि हादतगिरि जेलेनस्क्रिया ब्रुसेल्सआव खुनाय मोनसे सिखर सन्मेलनआव लानाय थांखिखौ गावनि हादत आरो इउरपिन थाखाय मोनसे देरहासारनाय होन्नाइ बुंदों। रिपर्टनि बायदिव्ला, इउरपीयान परिसर्दनि आफादगिरि चार्ल्स मिशेलनि बुंथिगिरिया बुंदोंदि, रादाया गारांसेये गनायजादों। मख'जाथावदि, हांगरिया गोबाव समनिफ्रायनो क्विभजों जागायनो गोनां बे सावरायनायखौ हेंथा होबोदों। नाथाय बिबो बे थांखिखौ भिट एबा हेंथा होयाखै। हांगरिनि गाहाइ मन्थि भिक्तर अर्बन दसे समनि थाखाय जथुम्मा खालामनाय ख'थानिफ्राय ऑखरलादोंब्लाबो गुबुन सा 26



दैदेनगिरिफोर गावसोरनि भटखौ होयो। बेनि उनाव बिथाडा फेजबुकआव मोनसे भिडिअ क्लिपजों लोगोसे गावनि हेफाजाबगिरिफोरनिफ्राय जानागार जानायखौ फोरमायो। इउक्रेनखौ इउरपीयान इउनियननि सोद्रोमा खालामनाया मोनसे मोजां थांखि जायाखै। हांगरीया बे गोरोन्थि थांखि लानायाव बाहागो लानो सानाखै आरो बेनिखायनो दिने बे थांखि लानायनिफ्राय जानागाराव थादों होन्नाइबो बिथाडा बुंदों। फारसेथिं हादतगिरि जेलेनस्क्रिया

इउरपीयान इउनियननि थांखि फोसावनायखौ गोजोन्नायजों एक्सआव बुंदोंदि, बेयो इउक्रे ननि थाखाय मोनसे देरहासारनाय आरो गासै इउरपिन थाखायबो मोनसे देरहासारनाय। बेयो मोनसे देरहासारनाय, जाय थुलुंगा होयो आरो गोख्रोंसिनबो खालामो। मख'जाथावदि, 2022 नि फेब्रुवारीयाव रासियानि इउक्रे नआव गाग्लोबनो जागायनायनि उनाव इउक्रेन आरो मलडभाया इउपीय इउनियनआव बाहागोयारि जानो थाखाय आर'ज गाबदोंमोन।

थानाय जुन दानाव बे दरनेबो हादतखौ बिजाथि महरै गनायथिनाय जादों। मालडभानि हादतगिरि माइया सन्डुआ बुंदोंदि, इउक्रे नजों लोगोसे इउरपीय इउनियनआव थाफानो हानाया सम्माननि बाश्रा। बिथाडा पस्टआव लिस्टादोंदि, रासियानि अनगारै गाग्लोबनायनि हेंथाये इउक्रेनआ जोहोलाव आरबुजों दावहा नाडामोनब्ला जों बेसिम सौफेनाय नडामोन। इउरपीयान इउनियनआव बाहागोयारि जानायनि थाखाय सावरायनायाव गोबाव बोसोर

सम नांनो हागौ। बेनिखायनो बृहस्पतिबाराव लानाय थांखिया इउक्रे नखौ सोद्रोमा खालामनायनि थाखाय गेरैन्टि होनो हाया। इउक्रेननि सुबुंफोरा मिबथिगौदि, आबुडै सोद्रोमा जानायनि लामाया गोरलै नड। नाथाय ब्रुसेल्सआव लानाय बे थांखिया गोसोनि बोलोखौ बांहोनायनि फोरमान जागोन। इउपीयान इउनियननि बिजाथियारि हादतफोरा आइनारि खुंथाइ खुंनायनिफ्राय लानानै रांखान्थियारिसिम मान दानाथाफोरखौ फालिनायनि थाखाय सावरांनयनि मोनसे सेरिस पास खालामनां गौ जायो। अदेबानि इउरपीयान इउनियननि इक्जीक्युटिवआ सिगाडावनो निनाय आरो गेना-खान्थिजों जुजिनायाव दासिम आजावनाय 90 जौखोन्दोनि बांसिन थांखिफोरखौ गाहामै मावफु'नायनि थाखाय क्विभजौ बाखायखांबाय।

# करनानि बिजाउनजों चीनआ दासिमबो भुगिनानै दड

बेइजिं, 15 डिसेम्बर : मुलुगनाडै गोसारनाय करना भाइरसआ चीन हादतनिफ्रायनो जागायदों मोन। अदेबानि आथिखालावबो चीनआव लाख लाख सुबुंफोरा करनानि गोहोमजों भुगिनांना दड। भइस अफ आमेरिकानि रिपर्टआव बुंदोंदि, लाख-लाख चीननि दाहार लानाय सुबुंफोरा गावसोरनि लनखौ सुख'नो हायैनि जाहोनाव बिसोरखौ ब्लेक लिस्ट खालामनाय जाबाय। लन लानानै सुख'नो हायैफोरनि गेजेरव बांसिनानो 18 निफ्राय 59 बोसोर बैसोनि सुबुंफोर। रिपर्टआव बुंवावदोंदि, कभिड-19 गोसारनाय समाव रांखान्थियारि ख'हा जानायनि जाहोनाव लाख लाख सुबुंफोरा लन लादोंमोन आरो आथिखालावबो बिसोरो सुख'फिनो हायैआव ऋन दाहाराव गफबना थानादों। जेव्हा सुबुंफोरा लन लादोंमोन अब्ला बेइजिंआव गोखों लकडाउन सोलिदोंमोन, जायजों सुबुंफोरनि



रांखान्थि आरजिनाय राहाया थाबथानानै दडमोन। भइस अफ आमेरिकानि रिपर्टआव झां कागजी मुनि सासे सुबुंनि बाश्राखौ बुंनया जादों। बियो करना लकडाउननि समाव लन लादोंमोन। बै समाव लन लानाया जोबोद गोरलैमोन। नाथाय बिहा आथिखालाव लनखौ सुख'फिनो थाखाय रांखान्थिनि आंखाल जानादों। बियो फोरमायदोंदि, बिहा 100,000 युआननिबो बांसिन लन दड। रवबो बिखौ मदत खालामनो सिगाडाखै। लन सुख'नो थाखाय बिहा मोनसेल' राहा दडआरो बे राहायानो जादों लन सुख'नो थाखाय आरोबाव

माखासे सम मोनबावोब्ला बियो लनखौ सुख'नो हागोन होन्ना बुंदों। रिपर्टआ बुंवावदोंदि, फारसेथिं चीनआ गोगलैसोनाय रांखान्थिखौ साबसां होनो जुजिगासिनो दड आरो गुबुन फारसेथिं हादतआव खामानि गैयै जेंनाया बारायगासिनो दड। बेजों लोगोसेनो चीनआव दाहार लाग्राफोरनि अन्जिमायावो बारायगासिनो दड। लन एबा रां दाहार लानायनि थाखाय ब्लेक लिस्टआव दोनजानाय सुबुंफोर गुबुन लन मोन्नायाव जोबोद गोब्राव जानानै फैदों होन्नाबो रिपर्टआव बुंदों।

# माखासे राइज्योफोराव अखा हागोन आरो गोजांनाया बांगोन: बोथोर बिफाननिफ्राय सांग्रांथिजों फोसावदों



गोदान दिल्ली, 15 डिसेम्बर : सा भारतजों लोगोसे माखासे राइज्योफोराव बोथोरखौ सोलायनाय नुनो मोन्दों। सा भारतआव जोबोद गुसु आरो खुवा खुनाय नुनो मोन्दोंब्ला खोला भारतनि माखासे जायगाफोराव रोजा अखा हानायखौ नुनो मोन्दों। फारसेथिं हाजोआरि राइज्योफोराव बरफ गोग्लैगासिनो दड। सा-सान्जा भारतनि राइज्योफोराव बोथोरनि रोजा खुवा खुनायजों सुबुंफोरनि हाबा मावनायाव गोहोम गोग्लैदों। बोथोर बिफाननि बायदिव्ला थानाय 24 घन्टायाव

दिल्ली, हरियाणा, पान्जाब, चन्दिगड, सा राजस्तान आरो उत्तर प्रदेशनि माखासे राइज्योफोराव बिदुड 5-10 सेल्सियास थिसनजादों। माखासे राइज्योफोराव 20 डिसेम्बरसिम बोथोरा बेबायदियैनो थागोन। सोनाब इउपि, हरियाणा, पान्जाब आरो चन्दिगडआव बिदुड सरासन्धानिफ्राय 2-3 डिग्रि सेल्सियास गाहाइसिनाव थानो हागौ। लोगोसेनो फुं आरो मोनाबिलि समाव खुवा खुगोन। शुकुबार फुंनि समाव बोथोर बिफाना मिबथिहोनाय बायदिव्ला, पान्जाबनि गुबुन

गुबुन बाहागोफोराव रोजा खुवा खुनाय नुनो मोन्दों। उत्तर प्रदेश, बिहार, आसाम, मेघालय आरो त्रिपुरानि गुबुन गुबुन बाहागोफोराव गेजेर थाखोनि खुवा खुदों। बिजिबिलिटिनि बाश्रा बुडेव्ला शुकुबार फुंनि 5:30 रिगायाव अमृश्वर-0, पाटियाला-500, इउपिनि गुरपुर-200, लक्ष्नी आरो भारणसीयाव-500, पुरनीया-200, गुवाहाटी-200 आरो त्रिपुरानि कैला सहराव-500 बिजिबिलिटि नुनो मोन्दों। बोथोर बिफाननि बायदिव्ला फेगौ 24 घन्टानि गेजेराव

तामिलनाडु, केरेला, खोला कर्नाटकनि माखासे ओन्सोलफोर, लक्षाद्विप आरो आन्दामान निकबर द्विप हाज्यायाव गेजेर थाखोनि अखा हानो हागौ। फारसेथिं फेगौ 17 डिसेम्बरनि गेजेराव जम्मु-काश्मीर, लाहाख, गिलगित-बालटिस्तान, मुजफ्फराबादआव अखाजों लोगोसे बरफ गोग्लैगोन होन्ना बोथोर बिफाना हमदादों। बेनि जाहोनाव ओन्सोलनाडै गोजांनाया बांसिन जागोन। राजथावनि दिल्लीजों लोगोसे एनसिआर आरो नएडयाव बोथोरनि गोजांनाया बांसिन जाबोदों। दिल्लीनि सपदरजंआव दिने फुंआव मिनिमाम बिदुंआ 4.9 डिग्रि सेल्सियास थिसनजायो। बेयो देरलायनि बे समाव थिसनजानाय दिल्लीनि बयनिखुइबो खमसिन बिदुं। फेगौ सानबानि गेजेराव दिल्लीयाव खुवा खुनायखौ नुनो मोनगोन होन्ना आरो मेक्सिमाम बिदुंआ 20 डिग्रि सेल्सियाससिम थानो हागौ होन्ना बिफाना हमदादों।

# इज्राइलनि रेखाथि मन्थिनि गोख्रों बिबुंथि, गाजायाव दावहाखौ दोन्थ'नाय जानाय नडा

जेरुसालेम, 15 डिसेम्बर: इज्राइल-हामासनि दावहाया सोलिगासिनो दड। बे समावनो इज्राइलनि रेखाथि मन्थिआ मोनसे गिदिर बिबुंथि होदों। बिथाडा रोखा खालामदोंदि, इज्राइल-हामासनि दावहाया थाद'नाय नडा। इज्राइलनि रेखाथि मन्थिआ बुंदोंदि, इज्राइल-हामासनि दावहायाव हामासनि हेंथाये दावहाया गोबां सम सोलिगोन। थानाय सप्ताहयाव मोनसे अरायथा नडै दावहा दोन्थ'नायनि उनाव गाजायाव दावहाया गोख्रेंसिनै जागायजेनबाय। इज्राइलनि रेखाथि मन्थि यव गैलन्टआ मोनसे गोलाव दावहानि बाश्रा बुंदोंदि, हामासखौ फोजोबसांनो गोबां सान नांगोन। बिथानि बिबुंथिया गाजायाव ख'हा जानायखौ लानानै इज्राइल आरो बनि गोजौसिन हेफाजाबगिरि आमेरिकानि सायाव गावसोरखौ गेजेर हायुंआरि थाखोआव आलादा खालामनो नारसिननायनि गेजेराव फैदों। आमेरिकानि हायुंखरि रेखाथि बोसोनगिरि जेक सुलिवनआ बावैसो सिगां गाजायाव गेदेर दावहाखौ फोजोबनायनि मोनसे



समनि सायाव सावरायनो थाखाय इज्राइलनि दैदेनगिरिफोरखौ लोगो हमदोंमोन। इज्राइलनि दैदेनगिरिफोरा 7 अक्ट'बरनि गाग्लोबनायनि थाखाय उदखारि हान्जाखौ फोजोबसांजासिम रौनिया गाग्लोबनायखौ सोलिहोबाय थानो थाखाय गावसोरनि थांखिखौ फिन खेबसे बुंफिन्दोंमोन। आमेरिकानि हादरगिरि ज'बाइडेननि खुंथाया इज्राइलनि ख'हा जानायखौ बाडाइ खालामनायाव फेलें जानाय आरो गाजानि इयुननि थाखाय बनि

थांखिफोरजों गोजोन्नाय गैये फोरमायदों। नाथाय बे समावनो हवाइट हाउसआ हाथियार दैथायहरनानै इज्राइलखौ आबुडै हेफाजाब होगासिनो दड। बाइडेनआ बृहस्पतिबाराखालि बुंदोंदि, आं लुबैयोदि बिथाडा नोगोरारिफोरनि जिउखौ माबोरै रेखा खालामनो हायो बेनि सायाव गोसो होनांगौ। फिलिस्टाइन अथ'रिटिनि गाहाय मन्थि महम्मद शतायेहआ बुंदोंमोनदि, बेयो आमेरिकानि थाखाय इज्राइलजों बांसिन गोखोडै मोगा-मोगि जानायनि सम, गुबैये इज्राइल-

फिलिस्टाइननि दाडबाजिखौ दरने-हादर सुस्रानायनि थाखाय दावहानि उनाव सावरायनाय वाशिंग्टननि दाबिनि सोमोन्दै। बाइडेन खुंथायनि सासे गागि मावख'गिरिया बुंदोंमोनदि, इज्राइलआ गाजानिफ्राय हामासखौ बोखलायनायाव जाफुंसार जायो अब्ला राइजो-राजानि रेखाथिखौ लाबोफिन्नायाव मदद होनो थाखाय आमेरिकाया फिलिस्तानि अथ'रिटिजों लोगोसे रेखाथि मावफारियाफोर थानायनि राहाखौ नागिरिगासिनो दड।

# एमएस धनीनि जार्सि नम्बरखौ फोथाराव नुनो मोन्नाय नंला

गोदान दिल्ली, 15 डिसेम्बर: भारतनि बाराग'केप्टेन एमएस धनीखौ ट्रिब्युट होनानै भारतीय क्रिकेट कन्ट्रल बोर्ड (बिसिसिआइ)आ बिथानि 7 नम्बर जार्सिखौ रिटायर होनायनि थांखि लाबाय। धनीआ बे नम्बरनि जार्सि गान्नानैनो भारतनि थाखाय मोनथामबो फर्मेटआव मेच गेलेबोदोंमोन। मख'नो गोनांदि, बिथाडा भारतखौ खेबथाम आइसिसि टुफी देरहाहोनाय सासेल'केप्टेन जानानै दड। गावनि केप्टेन बिबाननि समाव बिथाडा वन्डे वर्ल्ड काप, टी-20 वर्ल्ड काप आरो सेम्पियन्स टुफीआव भारतखौ सेम्पियन खालामदों। रिपर्टनि बादिव्ला, बिसिसिआइआ टीमनि



गेलेगिरिफोर गाहायै डेब्यु खालाम जेननाय गेलेगिरिफोरनिफ्राय सचिन तेन्दुलकार आरो धनीजों सोमोन्दो थानाय जार्सि नम्बरखौ सायख'नो मोन्नाय नंला होन्नाइ फोसावदों। मख'नो गोनांदि,

धनी बादिनो तेन्दुलकारआबो समान थाखोनि मान मोन्नाय सासे भारतनि बाराग'क्रिकेटर। बिसिसिआइआ 2017 आव बिथानि सिग्नेसार नम्बर 10 जार्सिखौ रिटायर होदोंमोन। जार्सिखौ रिटायर होनायनि

ऑथिया बेनोदि, बे नम्बरनि जार्सिखौ गुबुन रवबो भारतीय गेलेगिरिफोरा बाहायनानै गेलेनो मोन्नाय नडा। बिसिसिआइआ गेलेमुनि फोथाराव बिसोरनि बिहोमानि थाखाय धनीनि टी-सार्टखौ रिटायर होनो थांखि लादों। सासे गोदान गेलेगिरिआ नम्बर 7 नि जार्सिखौ सायख'नो मोन्नाय नडा आरो 10 नम्बरनि जार्सिआ सिगांनिफ्रायनो जानगारआव दडमोन। मख'नो गोनांदि, नेमखान्थि बादियै बिसिसिआइआ गेलेगिरिफोरखौ 1-100 नम्बरनि गेजेराव सायख'नायनि मोन्थाय होयो। नाथाय भारतआव बे मोन्थाया लिमिटेडआव फेबाय। बिसिसिआइनिफ्राय फोरमायनाय बादिव्ला, भारतआव सोलिफु

समाव गेलेगिरिफोरा गासै मोन 6 नम्बरखौ सायख'नो मोनो। मानोना थानाय माखासे बोसोरफोरनिफ्रायनो माखासे गेलेगिरिफोरा गेलेनायनिफ्राय जानगाराव दंबोयो। मख'नो गोनांदि, सोलिफु बोसोरनि जागायजेन्नायाव 21 बोसोरनि बेटसमेन यश्वी जयसवालआ भारतनि थाखाय डेब्यु खालामदोंमोन आरो बिथाडा 19 नम्बर जार्सि गान्ना गोसो जानायखौ फोरमायदोंमोन। नाथाय बे नम्बरनि जार्सिखौ कमेन्टेटर जानाय दिनेश कार्टिकआ गानोमोन। जाय भारतनि थाखाय गेलेयाब्लाबो एक्टिभ प्लेयार जानानै दड।

# लियनेल मेसिनि गां 6 जार्सिआ 78 लाख डलारआव फानजाबाय

नियुर्क, 15 डिसेम्बर: आर्जेन्टिनानि केप्टेन फुटबलार लियनेल मेसिनि थानाय बोसोरनि वर्ल्ड कापनि समाव गान्नाय गां 6 जार्सिखौ निलामआव 78 लाख डलारआव फानो हाबाय। बेनि सोमोन्दै निलामीखौ दैदेनाय आफाद सथबीआ फोसावदों। सथबीनि बादिव्ला, मेसिआ बेफोर सार्टखौ काठारआव जालांनय 2022 फिफा वर्ल्ड कापनि गिबि स्टेजनि गेलेनाय मेचफोरनि समाव गान्दोंमोन। सोलिफु बोसोराव गेलेमुजों सोमोन्दो थानाय मुवा-बेसादफोरखौ निलामिआव बांसिन बेसेनआव फान्ना हानायनि फारिआव मेसिनि जार्सिआ गिबि नम्बरआव जायगा मोनबाय। मेसिनि केप्टेन बिबानआवनो



आर्जेन्टिनाया थानाय बोसोरनि फिफा वर्ल्ड काप फाइनालाव फ्रान्सखौ पेनाल्टि शूटआउटआव फेजेनानै गावसोरनि थामथि बिमुंखो देरहादोंमोन। पेनाल्टि शूटआउटनि सिगां मेचनि जोबनाय समसिमआव बेसोर टीमआ 3-3 गलआव समान

मेच गेलेदोंमोन। जायनि उनाव थांखिनि थाखाय पेनाल्टि शूटआउटनि मदद लानादों। मेसिनि बेफोर सार्टनि थाखाय बलि एबा बेट लागायनायाव देरहायनि सोमोन्दै दासिमावबो रोखा खौरां फोसावनाय जायाखै।

## सुर्य कुमार यादव आ कहलीनि मोनसे रेकर्डखौ सिमफायदों

गोदान दिल्ली, 15 डिसेम्बर: भारत आरु खोला आफ्रिकानि गेजेराव खेबथाम मेचनि टी-20 सिरिजआव गेलेनाय थामथि मेचआबो बृहस्पतिवारखालि जोबनाई थाडे। भारतीय टीमआ बे मेचखौ 106 राननि फारागआव देरहादों। बे देरहानायव सुर्य कुमार यादवनि गोबां बिहोमा दडमोन। मानोना मेचनि अरायथा नडे केलेन यादवआ बे मेचआव सेन्सुरि लादों। सुर्यआ बे इनिंस गेलेनायजोंनो माखासे रेकर्डआव गावनि मुं लाखिदों। बिथाड 57 इनिंसआवनो खेबत्रे सेन्सुरि लानो हादों। बिथाड बे साननि मेचआवनो टी-20 क्रिकेटआव मिजिथि लाजायै रेकर्ड थिसन्दों। जायनि फारिआव सुर्य कुमारआ



जाफुंसारनाय टी-20 बेटसमेन भिराट कहलीखौ उनाव लाखिदों। सुर्य कुमारआ खोला आफ्रिकानि हेंथायै बे मेचआव बयनिबो बांसिन 6 रान लानाय बेटसमेनफोरनि फारिआव नैथि नम्बरआव सौहैबाय। बे मेचनि सिगां सुर्य कुमारआ कहलीखौ उनाव लाखिनो खेबथाम 6 रान लानायनि गोनांथियाव दडमोन। जायखौ सुर्य कुमारआ बे

सिरिजनि मेचआव गासै खेब 8 ड' रान लानाई कहलीखौ उनाव लाखिदों। कहलीनि मुडव गासै टी-20 इन्टरनेसनेल मेचआव खेब 117 ड' रान लानायनि मुं दड। बे रेकर्डखौ बिथाड खेब 107 टी-20 इनिंसआव लाखिदों। जायनि फारिआव भारतनि थाखाय गेलेनाय खेब 120 टी-20 इनिंसआव 182 ड' रानजों रहित शर्माआ गिबि

नम्बरआव जायगा मोन्दों। रहित आरु भिराटनि सेलेन्जआव सुर्य कुमारआ गावनि इनिंस गेलेनायजों गेजेराव हाबनो हादों। बिथाड अभाअल मुलुगआव टी-20 इन्टरनेसनेल क्रिकेटआव बांसिन 6 रान लानायनि फारिआव 5 थि नम्बरआव दड। जायनि जाउनाव खेब 123 ड' रान लानाय सुर्य कुमार यादवखौ टी-20 क्रिकेटनि गोदान बस बुनायबो जायो। टी-20 इन्टरनेसनेलआव मुलुगआव बांसिन 6 रान लानायनि फारिआव रहितनि उनाव खेब 173 ड' रानजों मार्टिन गुट्टिलआ नैथि आरु एन पिन्सआ खेब 125 ड' रानजों थामथि नम्बरआव जायगा मोन्दों।

## मेसि आरु एम्बाप्येजों लोगोसे हालेन्डआ बोसोरनि साबसिन फुटबलार बान्थानि गिबि रेसआव फैदों

युरिक, 15 डिसेम्बर: फिफानिफ्राय फोसावनाय 2023 बोसोरनि साबसिन हौवा फुटबल गेलेगिरिनि बान्थानि थाखाय बे खेबआव सेलेन्जआ लियनेल मेसि, किलियन एम्बाप्ये आरु एलि हालेन्डनि गेजेराव सोलिगोन। फुटबलनि मुलुगनां फसंथान फिफाआ बे बान्थानि रेसआव थिसनजानाय गेलेगिरिफोरनि जोबथा फारिलाइखौ फोसावबाय। बिबोर साथाम गेलेगिरिफोरा बे लन-डि-अर बान्थानि रेसआवबो जायगा मोन्दोंमोन।



नाथाय बे बान्थाखौ थानाय अक्टबर दानआव मेसिआ देरहादोंमोन। बेलन-डि-अर

बान्थाखौ नाथाय 2022 वर्ल्ड कापनि दिन्थिफुंनयखौ बिथा खालामनानैसो होनाय

जादोंमोन। जेराव मेसिनि दैदेन्नायाव आर्जेन्टिनाया फ्रान्सखौ फेजेन्नानै बिमुं देरहादोंमोन। काठारआव बिमुं देरहानायनि थाखाय मेसिआ फेब्रुवारी दानआव गिबि खेब गावनि केरियारआव 7 थि खेब फिफा बान्था देरहादों। आइजोफोरनि केटेगरिआव बोसोरनि साबसिन गेलेगिरिनि बान्था रेसआव 2023 वर्ल्ड काप सेम्पियन स्पेनि एन्ना बनमेट आरु जेनि हार्मसनि अनगायै कलम्बियानि लिन्डा केइसेड'आबो फारिआव दड।

## निरज चप्रानि सायाव जेक्सनआ गावनि सान्दांथिखौ फोरमायदों



गोदान दिल्ली, 15 डिसेम्बर: कलिन जेक्सनआ अलिम्पिक गल्ड मेडल देरहानो हायाखैब्लाबो मुंदांखा एथलीट गेलेगिरिफोरनि गेजेराव सासे बिथाड नाथाय 110 मिटार हार्डल रेसआव गोबां खेब वर्ल्ड सेम्पियन जानो हाबाय। बिथाड

सासे वर्ल्ड रेकर्ड हल्डर महै गावनि मुडाव गोबां रेकर्ड थिसन्ना नै बिमुं देरहाबाय। क्रिकेटनिफ्राय एथलीट जानाय जेक्सनआ गावनि गेलेमुनि फिल्डखौ सोलायनाय आरु दिन्थिफुंनयनि सायाव मोनबो जिंगा गैया। मोनसे माराथन

इभेन्टनि थाखाय सहरआव थानाय वेल्समेनआ भारतनि स्टार जेभलिन खुबैग्रा निरज चप्रखौ लानानै मोनसे गिदिर फोसावलाइ होदों। कलिन जेक्सननि सायाव सौंथि खालामनायाव बिथाड माखासे बाथा बुंदों। भारतनि थानाय माखासे साननि सिगाडाव निरज चप्रा बादि सासे रल मडेल मोन्नायखौ फोरमायनानै बेबादि रल मडेल जानायाव बेसेबां समसिम मदद खालामगोन होन्नायनि फिन्नायाव जेक्सनआ गावनि मोन्दांथिखौ फोरमायदों। बेनि सायाव जेक्सनआ गावनिफ्रायबो हानायमानि मोजाडै दिन्थिफुं'नो नाजानायखौ फोरमायदों आरु बेनि गेजेरजोंनो थानाय गोलाव समनिफ्राय ट्रेक एन्ड

फिल्डआव दिन्थिफुंनोनायखौ फोरमायदों। लो गोसे खेबसेयावनो जाफुंसारनायखौ मोनजोबनो हायै खौ फोरमायनानै सासे सुपार स्टार जानोब्ला ग्राउन्ड ले बे लनिफ्रायनो गोखों खुन्थिया गायसनबोनांगौनि गोनांथिखौ फोरमायो। जामाइकायाव जेक्सनआ गिदिर रेकर्ड थिसन्नाय जास्मिन दड। थानाय माखासे साननि सिगांसो चीननि हंजौआव जालांनय एसियान गेम्सआव निरजआ 88.88 मिटार जान्थाय खुबैनानै जेभलिननि फोथारआव सनानि मेडेल देरहादोंमोन आरु बेजोंनो वर्ल्ड एथलिटिक्स सेम्पियनसिपआव बिथाड सनानि मेडेल देरहानाय गिबि भारतीय जानो हादोंमोन।

## 2024 टी-20 वर्ल्ड कापआव भारत-पाकिस्ताननि मेचआ निउयर्कआव खुंजागोन



गोदान दिल्ली, 15 डिसेम्बर: फैगौ बोसोरव जानो गोनां टी-20 वर्ल्ड कापआव भारत आरु पाकिस्ताननि गेजेराव मेचआ निउयर्कआव खुंजागोन हागौ। बेनि सोमोन्दे मोनसे रिपटखौ खौरं बिलाइआव साफायनाय जादों। टी-20 वर्ल्ड कापआ फैगौ बोसोरनि 4 जुननिफ्राय 30 जुननि गेजेराव वेस्ट इन्डिज आरु आमेरिकायाव खुंजागोन। रिपटनि बादिब्ला, बे आयदाखौ लानानैनो इन्टरनेसनेल क्रिकेट काउन्सिल आरु निउयर्कनि लकेल कमिटिनि गेजेराव शुक्रवारखालि रयन्जलायनानै थांखि लानाय जागोन। जायनि थाखाय निउयर्कनि बाइजोआव बे मेचखौ खुंफुंनयनि थाखाय अरायथा नडै स्टेडियमबो थियारि खालामनाय जानो हागौ। जायनि थांखिआ बे जथुमनि गेजेरजों जानानै फैगोन। टी-20 वर्ल्ड कापनि थाखाय आमेरिकायाव मोनथाम जायगाफोरखौ सायख'नाय जादों।

निउयर्कआव भारत-पाकिस्ताननि मेचआ खुंजागोनआ रोखा। मानोना बेनि सायाव रिपट खालामनाय बादिदै 7 लाखनिखुइबो बांसिन भारतीय आरु 1 लाखनि साखाथियाव पाकिस्ताननि फोलेयारि सुबुंफोरा जिउ खुंनानै दड। बेबादि थासारिआव भारत-पाकिस्ताननि मेचआ बै जायगायाव मोजां रेस्पन्स मोनो हागौ। युगान्दानि देरहानायजों टी-20 वर्ल्ड कापआव बाहागो लानो गोनां गासैबो मोन 20 टीमफोरा थि जानानै फैबाय। बेनि थाखाय एसियान रिजननिफ्राय नेपाल आरु अमानआ क्वालिफाइ जादों आरु आफ्रिकानिफ्राय युगान्दा आरु नामिभियाआ टिकेट लानो हादों। मेचखौ सामलायग्रा महैर आमेरिका आरु वेस्ट इन्डिजआ क्वालिफाइ जादों। गुबुन फासै इलेण्ड, पाकिस्तान, निउजिलेण्ड, भारत, अस्ट्रेलिया आरु खोला आफ्रिकानि अनगायै नेडारलेण्ड आरु श्रीलंकाया 2022 आव थानाय टी-20 वर्ल्ड कापआव टप-8 आव जायगा आवग्रिनानै गावसोरनि मासिखौ थि खालामदों। आफगानिस्तान आरु बांलादेशआ थानाय 14 नभेम्बर 2022 नि रैकिंजों क्वालिफाइ जानानै फैदों। मोन 20 टी-20 टीमफोरखौ 5-5 टीमफोरनि मोनब्रे ग्रुपआव रननाय जादों। ग्रुप स्टेजआव गासै खेब 40 मेच जागोन। गासै ग्रुपनि टप-20 टीमफोर सुपार-8 स्टेजआव सौहैगोन आरु बे स्टेजआव खेब 12 मेच खुंजागोन। सुपार 8 नि फारिआवबो टप 2-2 टीमफोर सेमिफाइनलाव सौहैगोन। बेनि उनाव सेमिफाइनलाव देरहानाय टीमफोरनि गेजेराव 2024 नि 30 जुनखालि टुर्नामेन्टनि फाइनाल मेचआ खुंजागोन। थामहिनबा खेबनै सेमिफाइनल, खेबसे फाइनाल आरु खेब 52 ग्रुप स्टेज मेचखौ लाफनानै जानो गोनां वर्ल्ड काप टुर्नामेन्टआव खेब 55 मेच जागोन।



आसाम सरकार



माहारियारि देहा मावथांथि, आसाम

## नोंथांनि गथ 'नि इयुन मोजांनि थाखाय आहार दौनाय

“नर्मल आरु चिजारिनि मोननैबो सेक्सननि डिलिभ रिजों जोनोम जानायनि उनाव 1 घन्टानि गेजेराव गिबि आहार दौनायखौ मावफुं।”

### आहार दौनायनि मुलाम्फा

- सासे गथ 'नि गोखों दावगानाय आरु जौगाहोयो।
- मोन्दांथि आरु बुजिमोनहोनायखौ दावगाहोयो।
- बेराम सन्देरनाय आरु लोरबां जालांनयनि हेंथायै गथ 'खौ रैखाथि होयो।
- उदाडै आहार दौनाया गथ'फोरनि सरासनस्त्रा लोमजानाय जेरै- डाइरिया एबा निमनिया बायदिजों गथ'फोरनि थैनायखौ बाडइ खालामो।
- गथ'फोरनि लोमजानायनिफ्राय थाबैनो उदां जानायाव हेफाजाब होयो।
- बिमानि गोग्गो आरु मोजां देहानि थाखाय बिहोमा होयो, फिसाख 'नि खैफोद आरु आहार केन्सार जानायनि खैफोदखौ बाडइ खालामनायाव हेफाजाब होयो।

### रोखा खालाम

- जोनोमनि 1 घन्टानि गेजेराव गिबि दौजेन्नांगो
- 6 दानसिम आहारखौल' दौनांगो
- 2 बोसोर एबा बेनि गोजौआव गुबुन जाग्रा आदारजों लोगोसे आहार दौनांगो



No. - (NHM/D/2023-24/1621)

104 कल खालाम

जायखि-जाया देहाजों सोमोन्दो थानाय सौंथिनि थाखाय

108 कल खालाम

एम्बुलेन्स सिव्थाइनि थाखाय

भारत बिसायख'थि आफाद

## जर'खा सुंद' सोदांनय 2024

जर'खा फोसावदिनो थाखाय साखा-फारा खालारफोरखौ सिन खालाम

16थि आरु 17थि  
डिसेम्बर, 2023  
(शनिवार-रबिबार)

23थि आरु 24थि  
डिसेम्बर, 2023  
(शनिवार-रबिबार)

सासे भ'ट होग्रा महैर गावखौ मुं थिसननायनि आवुं खाबुखौ दाखोमा  
बयनिमुइबो देरसिन सुबुंशान्थिनि बाहागो जा

- ▲ गोदान रेबथुमनाय (सोफादेरनाय)
- ▲ थिसननायनि हेंथा होनाय एबा बोखारनाय
- ▲ थिसननायनि सोलायनाय/सुद्रायनाय

- नोंथांनि खाथियाव थानाय सोमोन्दो गोनां भ'ट मिरुआव थां
- बुथ थाखोनि मावख'गिरिजों सोमोन्दो लाखि
- नोंथांनि पासफर्टनि सावगारि, नंगुबै सिनायथि फोरमान, बैसो आरु थंखौ दिन्थि
- गोनांथि बादिदै सुफुंबिलाइ 6, 7 एबा 8 खौ आवुं खालाम

सुफुंबिलाइफोरखौ 08-01-2024  
सिमल' जमा खालामनो हागोन

भ'तार हेल्पलाइन एपनि गेजेरजों फोनांजाब एबा

नाययोग  
voters.eci.gov.in

गाहाय बिसायख'थि मावख'गिरी, आसाम

ई-मेल: ceo\_assam@eci.gov.in  
वेबसाइट: www.ceoassam.nic.in

गाहाय बिसायख'थि मावख'गिरी, आसामजों फोसावजानाय

@ceoassam

@ceassam

@ceo\_assam